

# БЕСѢДЫ И ПРАВОУЧЕНІЯ

ВО СЛАВУ

ПРЕСВЯТЫЯ ВЛАДЫЧИЦЫ НАШЕЯ

**БОГОРОДИЦЫ.**



---

Изданіе Св. Аѳонской горы Русскаго Пантелеимонова монастыря.

---

МОСКВА.

Типографія и Литографія И. Ефимова, больш. Якиманка, д. Смирновой.

1879.

Отъ Московскаго Комитета для цензуры духовныхъ книгъ печатать дозволяется: Москов-  
ля Духовная Академія. 10 Сентября 1879 года.

*Цензоръ Свѣщ. Михаилъ Боголюбскій.*



Св. Димитрій Митрополитъ Ростовскій чудотворецъ.

## ПРЕДИСЛОВІЕ.

Предлагаемыя вниманію благочестивыхъ читателей «Бесѣды и Поученія во славу Богоматери» заимствованы нами изъ книги: «Руно Орошенное,» содержащей, предъ бесѣдами, описаніе 24 чудесъ отъ Иконы Пресвятыя Богородицы, которая находится въ Свято-Ильинскомъ Черниговскомъ монастырѣ. <sup>1)</sup> Эта книга имѣла въ концѣ XVII столѣтія большой успѣхъ и выдержала много изданій, изъ которыхъ у насъ подъ руками были 2-е (1689 г.) и 5-е (1697 г.). <sup>2)</sup> Она принадлежитъ къ числу не вошедшихъ въ составъ Синодальнаго изданія Твореній Святителя Ростовскаго Димитрія, какъ это очевидно изъ четверостишія въ концѣ «Предисловія къ читателю,» въ которомъ святой Авторъ, по обычаю писателей своего времени, отмѣтилъ свое имя, поставивъ прописныя буквы въ срединѣ словъ:

«ІЖЕ въ Рунѣ инОгда прообразованна,  
Мати сОтворшаго НАсъ всѣХъ здѣ написанна.  
Душею И МыслІю Ту книжку прІІймѣте,  
САми ей Внимающе, И другомъ проЧтете.»

Тоже подтверждаетъ почти дословное сходство нѣкоторыхъ Бесѣдъ «Руна Орошеннаго» съ другими его проповѣдническими

---

<sup>1)</sup> Краткія свѣдѣнія о сихъ чудесахъ, какъ необходимы для пониманія самыхъ бесѣдъ мы помещаемъ въ подстрочныхъ примѣчаніяхъ.

<sup>2)</sup> Другія изданія извѣстны: 1683, 1691 и 1696 годовъ, изъ нихъ 1-е было на иждивеніе Лазаря Барановича. См. «Обзоръ Русской Дух. Литературы» Преосв. Филарета, Архіеп. Харьк. 1859. ч. I, стран. 376.

писаніями; <sup>1)</sup> и вообще Автора можно узнать въ каждой строкѣ сихъ прекрасныхъ, но почему-то забытыхъ Бесѣдъ. Въ нихъ все дышетъ тою благодатною теплотою сердечнаго благоговѣнія и любви къ Благодатной Заступницѣ рода Христіанскаго, которымъ всегда отличалась чистая душа Святителя Димитрія. Сіи первые опыты въ проповѣданіи Слова Божія уже несутъ на себѣ ту печать Свято-отеческаго авторитета, которою запечатлѣны всѣ его позднѣйшія произведенія. Святый Димитрій писалъ «Руно Орошенное» «по благословенію и повелѣнію Лазаря Барановича, Архіепископа Черниговскаго,» что вѣроятно и подало поводъ нѣкоторымъ приписать сіи Бесѣды самому Барановичу, <sup>2)</sup> тѣмъ болѣе, что имя настоящаго Автора означено не прямо, а въ четверостишіи. Что же касается времени написанія сихъ бесѣдъ, то ихъ слѣдуетъ отнести къ тому періоду жизни Угодника Божія, когда онъ «былъ во священника поставленъ Преосвященнымъ Архіепископомъ Черниговскимъ Лазаремъ Барановичемъ, въ монастырѣ Густинскомъ и былъ при Его Преосвященствѣ проповѣдникомъ довольно долгое время,» а сіе было въ 1675 году. <sup>3)</sup>

Издавая въ свѣтъ Бесѣды и нравоученія Святителя Димитрія, мы не дерзнули коснуться ихъ слога, а только позволили себѣ

---

<sup>1)</sup> Слич. наприм. раскрытіе мысли: *Азъ яко мила покрываю земаю* во 2-й бесѣдѣ и въ словахъ Св. Димитрія, и под. мѣста.

<sup>2)</sup> См. наприм. Маякъ 1843, томъ XI, отд. 1, стр. 2. Преосвящен. Филаретъ, А. Черниговскій, говоритъ: «Руно Орошенное Слово» (разумѣется Слово о бывшихъ писателяхъ духовнаго чина) приписываетъ то Св. Димитрію (1, 126), то Архимандр. Лаврентію Крщановичу (11, 5). Но послѣднее мнѣніе основалось только на томъ, что Черниговское изданіе «Руна» 1697 г. вышло тогда, какъ первымъ Архимандритомъ обители былъ «честный отецъ Лаврентій Крщановичъ». Между тѣмъ это изданіе уже пятое. Оно поднесено Гетману Ивану Мазепѣ. «Ни въ одномъ», продолжаетъ онъ, «изданіи Лаврентій не названъ сочинителемъ Руна. Сочинитель видѣнъ въ четырехъ стихахъ предисловія. «Иеромонахъ Димитрій Савичъ» (Обозр. Р. Д. Лит. 1859 г. ч. 1, стр. 376). Второе изданіе, какъ выше замѣчено, вышло въ 1689 году и въ послѣсловіи читаемъ, что многія типографскія погрѣшности произошли оттого, что «издатель отстояше далече во иномъ послушаніи,» а изъ его «Діаріуша» или «Дневныхъ Записокъ» видно, что въ сіе время Св. Димитрій былъ въ Москвѣ.

въ очень немногихъ мѣстахъ для ясности рѣчи вставить объяснительныя слова, означивъ ихъ прямыми скобами [ ], а также переставить нѣкоторыя слова, и для удобства чтенія разставить знаки препинанія по правиламъ новѣйшей грамматики; слова же древнеславянскія, и особенно польскаго происхожденія (которыхъ Святитель избѣгалъ въ позднѣйшихъ своихъ произведеніяхъ, а въ Рунѣ Орошенномъ допустилъ лишь потому, что они имѣли полное право гражданства въ Юго-Западной Россіи, гдѣ онъ жилъ и писалъ въ то время) мы перевели въ подстрочныхъ примѣчаніяхъ. Замѣтимъ кстати, что слогъ Автора нашихъ Четіихъ Миней представляетъ собою неподражаемый образецъ того совершенства, какого можетъ достигнуть нашъ общепонятный Церковно-Славянскій языкъ, столь сладостный простому Русскому народу, что Четіи Миней Св. Димитрія стали любимымъ чтеніемъ и настольною книгою едва ли не каждого начетчика-простолюдина. Поэтому и переводить съ него на Русскій мы считаемъ дѣломъ безцѣльнымъ и неразумнымъ.



## Бесѣда I.

*Азъ о всякомъ немощномъ восплакался,  
воздохнухъ же, видѣвъ мужа въ бѣдахъ.*

Іова 30, 25.

Егда руно Гедеоново орошено бѣше, [симъ] прознаменовашеся Божіа къ человѣкомъ любовь, ея же ради Отчее Слово воплотися отъ Дѣвы: *такъ бо возлюби Богъ міръ, яко и Сына Своего Единороднаго далъ есть* (Іоан. 3, 16). [И] егда икона Пресвятыя Дѣвы слезами себе орошаше <sup>1)</sup> — кое знаменіе непщевашеся <sup>2)</sup> быти? Не ино, точію знаменіе любви Ея къ намъ. [А яко] слезы тѣ суть <sup>3)</sup> яснымъ любви показаніемъ, се ти истинну изъясляю. <sup>4)</sup> Плакаше Іисусъ надъ Лазаремъ; зрятъ Іудее слезы Его, и что глаголютъ? Любовь Его къ Лазарю повѣствуютъ: *прослезися Іисусъ. Глаголаху убо жидове: виждь, како любляше его* (Іоан. 11, 36). И друзи Іовли, видѣвъше любимаго своего друга острупленна отъ главы и до ногу, *возопивше гласомъ велимъ, восплакашася.* (Іова 2, 12). Отсюду познай вину и Пречистыя Дѣвы слезъ: плачетъ надъ нами, — любить бо насъ, и видя струпами беззаконій согнившихъ и во гробѣ злаго обычая лежащихъ, и всеконечнѣ душою умершихъ, —

---

<sup>1)</sup> Святой Димитрій указываетъ здѣсь на чудо отъ иконы Пресвятыя Богородицы, бывшее въ Черниговѣ, въ Ильинскомъ монастырѣ, въ 1662 году въ Апрѣлѣ мѣсяцѣ. Образъ Пречистой и Преподобнословенной Дѣвы Маріи въ церкви, по его словамъ, отъ 16-го числа до 24-го плакала, «чему были свидѣтелями всѣ люди града Чернигова».

<sup>2)</sup> Мняшеся.

<sup>3)</sup> Служать.

<sup>4)</sup> Тотчасъ раскрою тебѣ сію истину.

безпорочна есть: *сердца сокрушенна и смиренна Богъ не уничтожитъ* (Псал. 50, 19). Кто помянетъ <sup>1)</sup> Юсію царя во Іерусалимѣ? Память его во истину достойна похвалы: идолы сокруши, олтари разори, иже на высокихъ жряху жертвы испроверже, жрецы закла, и умершихъ идоложертвенниковъ <sup>2)</sup> кости на воздухъ размета,—сичеву ревность по Бозѣ показа, и посемъ—плакася о людехъ прогнѣвавшихъ идолослуженіемъ Бога. И тогда [точію] къ нему речено: *раздралъ еси ризы твоя и плакался еси предо мною, и Азъ услышахъ тя, глаголетъ Господь* (IV Цар. 22, 19). Смотри: вся его добрая дѣла минувъ и аки забывъ, едины точію слезы поминаетъ, и сихъ ради его услыша,—такъ суть пріятны [слезы] у Бога! Что <sup>3)</sup> разсуждая святой Θεодоритъ рече: «только пользуется сокрушеніе и слезы стяжавшихъ я!»

Рачительница Хрістова въ Пѣснехъ Пѣсней нанисуя вся уды Любимаго и уподобляя главу—злату (5, 11), ланиты—фіаломъ <sup>4)</sup> аромать, устнѣ—кринамъ, <sup>5)</sup> капающимъ смирну (ст. 13), о очесахъ глаголетъ: *очи Ею яко голубинѣ на исполненіе водъ* (ст. 12). Не безъ тайны Его очи голубинѣмъ уподобляетъ. [Ибо] о палестинскихъ голубѣхъ повѣствуютъ, яко надъ водами жити и потоками водными своя очеса пасты <sup>6)</sup> любятъ. Егда очеса Хрістова суть голубинѣмъ подобны, вѣждъ, яко и Онъ любитъ потоками водными увеселяти очеса Своя,—потоками же сими, ихъ же поминаетъ Давидъ: *исходища водная изведоста очи мои, понеже не сохранихъ Закона Твоего* (Псал. 118, 136). На слезы истинно-кающихся хочетъ [Хрістосъ] смотрѣти всегда, [ибо] не всеу Пророкъ глаголаше: *положилъ еси слезы моя предъ Собою въ вѣкъ* (Псал. 55, 9). Кто радъ смотрѣти на злато, кто на красоту лица, кто на сладостныя пища и питія,—а Хрістосъ на слезы людей, плачущихъ о грѣсѣхъ! *Радость бываетъ на небеси Ангеломъ о грѣшницѣ кающемся* (Лук. 15,

1) Кто не знаетъ...?

2) Жрецовъ идольскихъ.

3) О семъ.

4) Чашамъ.

5) Лиліямъ.

6) Услаждати, питати.



7. 10.), колыми паче [бываетъ о немъ радость] Ангеловъ Творцу, Иже грѣшныхъ ради и небеса преклонивъ сниде и пострада: *грѣшникомъ намъ сущимъ Христосъ за ны умре* (Рим. 5, 8)? Сего ради плачимъ о содѣянныхъ злыхъ, да и Господа смотряющаго ны возвеселимъ, и калъ грѣховный омоемъ и радости вѣчныя по плачи сподобимся, — сіе бо есть слезъ премѣненіе: <sup>1)</sup> *блажени плачущіи, яко тѣи утѣшатся!* (Матѳ. 5, 4).

## Бесѣда II. <sup>2)</sup>

*Радуйся варварскаго избавляющая служенія.*

Акаѳ. Икосъ 5-й.

*Многи раны грѣшному*, грозитъ Псаломникъ (Пс. 31, 10). Не точію въ нынѣшнемъ, но и въ будущемъ вѣцѣ безчисленнымъ грѣшникъ подлежить ранамъ, не бываетъ бо грѣхъ безъ казни; отъ начала грѣси казнени быша: Адамовъ изгнаніемъ, Еввинъ печальми, [грѣхи] исполиновъ потопомъ, Содомлянровъ огнемъ, Египтяновъ многими смертями, Израильтяновъ грѣхъ работою казненъ. Согрѣшаемъ и мы [и-] коль много казни на ся влечемъ! Междоусобныя брани, смертоносныя раны, нашествія ино-племенникъ.... И что сотворимъ грѣшніи?—Принимемъ добръ Исаи Пророка совѣтъ: *укрыйтеся вмадь, елико елико, дондеже мимоидетъ гнѣвъ Господень* (Ис. 26, 20). Но гдѣ имамы сокрытиса отъ находящихъ на ны многихъ ранъ?—Подъ кровомъ онѣмъ, подъ нимъ же крыяшеса Давидъ: *сокры мя въ кровь своею, въ день зла моего покры мя въ тайнѣ крова своего* (Псал. 26, 5). <sup>3)</sup> И гдѣ сей добръ покровъ обрящемъ?—

<sup>1)</sup> Замѣна, послѣдствіе.

<sup>2)</sup> Положена послѣ повѣствованія о чудесномъ сохраненіи чудотворнаго образа Пр. Богородицы отъ ограбленія татарами въ 1662 г., когда варвары ворвались внезапно въ Ильинскій Черниговскій монастырь и въ самый храмъ, ограбили его, но св. Иконы не коснулись, и изъ иноковъ, укрывшихся въ пещерѣ преп. Антонія, ни одинъ не потерпѣлъ вреда.

<sup>3)</sup> По древнему переводу.

У Пречистой и Препоблагословенной Дѣвы Маріи. Въ семь то покровѣ Давидъ сокрыся, егда гонимъ Авессаломомъ *восхождаше восходомъ на юру Елеонскую* (2 Цар. 15, 30), яже прообразоваше Премилосердную Госпожу нашу. И [аще] точію сѣнь Маріина можаше въ день золь сокрыти Давида, то кольми [паче] самая Она, аще къ Ней прибѣгнемъ, сокрыетъ насъ въ кровѣ своемъ. Та глаголетъ о Себѣ усты Духа Святаго у Иисуса Сирахова: *Азъ яко мла покрыхъ землю* (24, 3). Но—о Дражайшая Госпоже! почто сице худѣй вещи, мглѣ, уподобляеши Ся? Нѣсть ли Тебѣ солнца, луны, звѣздъ въ именованіе? Мгла же кую имать красоту, яко ею звати <sup>1)</sup> не гнушаешися?—Мгла егда надъ землею умножится и покрываетъ ю, тогда вся звѣри отъ ловцовъ цѣлы суть, ни ктоже [бо] ихъ ловити можетъ. Се тайна, почто Дѣва наречеса мглою! Отъ ловящихъ бо крыетъ насъ, [понеже] мы грѣшніи, нашего ради безчеловѣчія, есмы аки скоти, аки звѣри, по Златоустову рассужденію: «чреву угождаемъ яко медвѣди, плоть утолщаемъ яко же мескъ, <sup>2)</sup> памятозлобствуемъ яко верблюды, похищаемъ яко волцы, гнѣваемся яко змій, угрызаемъ аки скорпій, хитры есмы яко лисица, злобы ядъ носимъ аки ехидна». <sup>3)</sup> Сицевыхъ звѣровъ постигаютъ различніи ловцы: постигаетъ праведный гнѣвъ Божій, мщяя <sup>4)</sup> вся начинанія наша злая: *Богъ отмщеній, Господь Богъ отмщеній* (Псал. 93, 1); постигаютъ ны и беззаконія наша, яко жалѣтися мусимъ: <sup>5)</sup> *постыюша мя беззаконія и не возмогахъ зрѣти* (Псал. 39, 13); постигаетъ ны врагъ невидимый: *бысть яко медвѣдь ловай, приспѣдай ми яко левъ въ сокровенныхъ* (Плач. Іер. 3, 10); постигаетъ ны и врагъ видимый: *рече врагъ: инавѣ постигну, утицу* <sup>6)</sup> *мечемъ моимъ и пообладаетъ рука моя*. (Исход. 15, 9). Но дерзаимъ! <sup>7)</sup> Имамы мысленную Мглу, покры-

<sup>1)</sup> Именоватися.

<sup>2)</sup> Мулъ.

<sup>3)</sup> Бес. III къ антиохійск. народу.

<sup>4)</sup> Отмщяя.

<sup>5)</sup> Жаловатися можемъ.

<sup>6)</sup> Убію.

<sup>7)</sup> Будемъ дерзновенны.

вающую ны, Пресвятую Дѣву Марію, въ Ней <sup>1)</sup> уповаемъ, подъ кровомъ Ея и власть главы нашей не погибнетъ!... О Пречистая Дѣво! на Тебе ся надѣмъ и Тобою ся хвалимъ: <sup>2)</sup> да не постыдимся раби Твои!...

## Правоученіе II.

Пророкъ Божій Моисей, преща <sup>3)</sup> людемъ (егда бы не сохранили завета Божія) страшными казнями, между инѣми многими язвами за бѣлшую полагаетъ нашествіе иноплеменикъ глаголя: *аще не послушаеши гласа Господа Бога твоего снабдѣти <sup>4)</sup> и творити вся заповѣди Его, наведетъ Господь на тя страну издалече, отъ края земли, аки вооруженіе <sup>5)</sup> орле, страну, ея же не разумѣеши глагола, <sup>6)</sup> страну безъ срама лицемъ, иже не посрамится лица старца, и юна не помилуетъ* (Втор. 28, 15. 49. 50). Значне <sup>7)</sup> тое пророчество на насъ сбывается, егда тою нашествія иноплеменихъ казню непомагу <sup>8)</sup> грѣхъ ради нашихъ Господь Богъ казнить насъ презъ многіе <sup>9)</sup> лѣта, въ нѣже видѣхомъ злая. (Псал. 89, 15). За се бо, что не охраняемъ завета Божія и въ законъ Его не изволяемъ ходити, (Псал. 77, 10) наводитъ на ны страну издалеча, аки вооруженіе орле; скорѣйшии быша юнѣи насъ паче орловъ небесныхъ, на горахъ гоняху насъ, въ пустынь приспдоша намъ (Плач. Іер. 4, 19). [За то,] что не плѣняемъ всякъ разумъ въ послушаніе Христово (2 кор. 10, 5), предаетъ насъ Господь во плѣнъ, яко рече Давидъ: *предаде во плѣнъ крѣпкохъ ихъ и доброту ихъ въ руки врагомъ* (Псал. 77, 61). *Предаде*

<sup>1)</sup> О Ней, на Ню.

<sup>2)</sup> Надѣмся, хвалимся.

<sup>3)</sup> Претя, угрожаю.

<sup>4)</sup> Сохранити.

<sup>5)</sup> Устремленіе.

<sup>6)</sup> Не понимаешь языка.

<sup>7)</sup> Разительно, вѣрно.

<sup>8)</sup> Не рѣдко.

<sup>9)</sup> Въ продолженіе многихъ.

*ихъ въ руки врагомъ, и обладаша ими ненавидящій ихъ, и стужаша имъ врази ихъ* (Псал. 105, 41. 42). [За то] что не Богу добродѣтелями, но себѣ плотоугодіями служимъ, и грѣху работаемъ, предастъ насъ на службу и тяжкую работу врагомъ нашимъ, о ней же предрече Моисей: *понеже не послужилъ еси Господеву Богу твоему съ веселіемъ и благимъ сердцемъ, множества ради всѣхъ блаихъ, — послужиши врагомъ твоимъ, яже пошетъ Господь Богъ твой на тя, со голодомъ, и жаждою, и наготою, и со оскуднѣніемъ всѣхъ, и возложитъ яремъ желѣзенъ на выю твою, дондеже сокрушитъ тя* (Второз. 28, 47. 48). — Обратимся убо къ покаянію, уцѣломудримся казненны <sup>1)</sup> тѣхъ людей, пойдемъ слѣдомъ [тѣхъ] ихъ же *егда Господь убиваше, тогда взыскаху Его, и возвращахуся и утреневаху къ Богу, и помянуша, яко Богъ помощникъ имъ есть, и Богъ Вышній Избавитель имъ есть* (Псал. 77, 34 и 35). [Аще] обратимся къ Богу, то и Богъ къ намъ обратится, и защититъ отъ плѣненія варварскаго и избавитълежащаго праведнаго Своего прещенія, и помиуетъ насъ. Аще же не обратимся, блюдемъ, да не постигнетъ ны прещеніе у Исаи написанное: *аще не хотите, ни послушаете Мене, оружіе васъ поястъ. Уста бо Господня глаголаша сія.* (Ис. 1, 20).

### Бесѣда III. <sup>2)</sup>

*Утѣшенія не имамы, развѣ Тебѣ, Владычице міру.*

Тропарь на молебнѣ.

Окружаема печальми Ноемминь, отъ нищеты и вдовства и безчадія, глаголаше: *не зовите мя Ноемминь* (си есть красна), *но зовите мя [Мара, си есть] горька, яко горести наполни мя Вседержитель зѣло.*

<sup>1)</sup> Казньми.

<sup>2)</sup> Положена послѣ повѣствованія объ исцѣленіи предъ иконою Пресв. Дѣвы, что въ Ильинскомъ монастырѣ, въ Черниговѣ, нѣкоей жены, именемъ Вѣры, отъ паралича, въ 1667 г., въ субботу предъ праздникомъ Сочествія Св. Духа.

(Руѳ. 1, 20). Обаче во печалехъ толикихъ имѣяше не малу отраду отъ Руѳи, снохи своєї, яко не остави ю, но привязася къ ней любовію сицевою: «идѣже идеши ты, и я пойду; и идѣже будеши ты, буду и азъ; людіе твои—людіе мои; Богъ твой—Богъ мой, идѣже аще умреша ты ту <sup>1)</sup> и азъ; идѣже погребешися ты, ту и азъ погребуся; [точію] смерть разлучитъ между мною и тобою» (Руѳ. 1, 16 — 17). Не меньшія и насъ обдержать печали, отъвнѣ и внутрь. Внѣшнему челоуѣку находятъ болѣзни: то разслаба тѣла, то нѣмота языка, то рукъ усшеніе, <sup>2)</sup> яко и женѣ реченнѣй. <sup>3)</sup> Внутренній же челоуѣкъ разслабѣвается грѣхами: нѣмъ и безъязыченъ, егда не хоцетъ на ся исповѣсти беззаконія своя; и аки суху имать руку—волю, нехотящую благаго намѣренія дѣйствовать. <sup>4)</sup> Обаче во всѣхъ сихъ велика намъ есть отрада—Пресвятая Богородица, аще къ Ней имамы вѣры несумнѣніе, <sup>5)</sup> надежды не сомнѣніе и союзъ любви. Ноемминъ, лишєнную мужа и чадъ кто бы утѣшити отъ горькія печали возмогъ?—Возможе Руѳъ.—Но что въ Руѳи бѣше утѣшительно и сильно къ отъятію печали, иже такожде бѣша и нища, и сира, и вдовица? Се, яко прообразоваше Марію Матеръ Христову. Хотяше бо быти и она едина отъ праматерей Его: *Воозъ роди Овида отъ Руѳи; Овидъ же роди Іессея, Іессей же роди Давида Царя* (Матѳ. 1, 5 — 6), иже Праотецъ Христовъ бѣше по плоти. И то <sup>6)</sup> утѣшаше Ноемминъ въ печали. Егда бо зряше Руѳъ, радовашеся сердце ея, тайно извѣщаяся, что отъ ея плода имать прозябнути всей вселєннѣй радость—Іисусъ Сынъ Маринъ. Аще точію сѣнь Маріина можаше печали во радость претворити, то кольми паче Сама Марія—Мати всякія утѣхи утѣшитъ насъ о всякой скорби нашей, внутреннего и внѣшного челоуѣка уврачуєтъ? Точію мы къ Ней съ вѣрою прибѣгнемъ, и привяжемся Ей сице любовію, якоже Руѳъ Ноеммини, да неразлучны будемъ съ Нею во вся дни живота нашего.—О Госпоже! буди съ нами во вся дни до скончанія вѣка!

<sup>1)</sup> Тамо.

<sup>2)</sup> Сухота, омертвеніе.

<sup>3)</sup> Указаніе на исцѣленную отъ паралича женщину.

<sup>4)</sup> Приводити во исполненіе.

<sup>5)</sup> Непокорєбимость въ вѣрѣ.

<sup>6)</sup> И сіе-то.

### Нравоученіе III.

Иже благодатию Богородичною исцѣлѣ жена—нарицашеся Вѣра; чаю, [яко] по имени своемъ и самую несумнѣнную имѣ вѣру: не возможно бо есть кому исцѣленіе и кое либо отъ Бога дарованіе безъ вѣры получитьи. Врачъ душамъ и тѣлесемъ, Сынъ Божій, исцѣляя *всякъ недугъ и всяку язю въ людехъ* (Матѣ. 4, 23), вѣры всюду требоваше, и по вѣрѣ лѣчбы подаваше: тако въ Капернаумѣ по вѣрѣ сотничѣ исцѣлилъ отрока: *иди, якоже вѣровалъ еси, буди тебѣ: — и исцѣль отрокъ ея въ той часъ* (Матѣ. 8, 13). Тако кровоточивой: *дерзай, дщи! вѣра твоя спасе тя,—и спасена бысть отъ часа того* (Мѣ. 9, 22). Тако двумъ слѣпцамъ: *по вѣрѣ ваю буди вама,—и отверзашася има очи* (Мѣ. 9, 29). Тако Хананей: *о жено! велия вѣра твоя! буди тебѣ якоже хочещи* (Мѣ. 15, 28) и многихъ инѣхъ по вѣрѣ ихъ спасе. О како сильна есть вѣра въ молитвѣ къ полученію прошенія! Чудится святой Кипріанъ, поминая разбойника иже на крестѣ, како толикій грѣшникъ все житіе свое въ убійствѣ и иныхъ разбойникомъ приличныхъ беззаконіяхъ иждивый, на кончинѣ своей краткою молитвою отверзе себѣ рай, и вопрошаетъ Господа: «что болѣе Стефану дарствовалъ еси Господи, паче сего разбойника? Что болѣе пріять возлюбленный онъ ученикъ Твой, иже возлеже на перси Твоя на вечера? Чимъ болѣе упокоены суть Павловы поты? Чимъ толико многихъ святыхъ многообразныя мукы, раны и смерти возмездствовашася?»<sup>1)</sup> Во единъ часъ сему разбойнику та дадеся мзда, юже они толикими труды и скорбми получиша.»<sup>2)</sup> Но не чудися, святой Кипріане, азъ ти твоего въ небесехъ сожителя въ отвѣтъ приведу, святаго Амвросія, иже речетъ тебѣ, яко вѣрою великою, аще и во малой молитвѣ, райскую себѣ разбойникъ отверзе дверь. Егда бо

---

<sup>1)</sup> Вознаградишася.

<sup>2)</sup> 7-е посланіе св. Кипріана.

Господь нашъ, во время вольныя Его страсти отъ всѣхъ оставленный и отъ общавшагося съ Нимъ умерети Петра отверженный быше, тогда разбойникъ единъ вѣрова Ему, и исповѣда Его, Господа Царствующаго нарекъ: *помяни мя, Господи, егда приидеши во Царствіи Си* (Лук. 23, 42). Здѣ [мощно] быше видѣти велику разбойникову вѣру: егда всѣхъ вѣра оскудѣ, егда вси вѣровавшии соблазнишася о Христѣ, — онъ самъ не соблазнися, но и съ вѣрою Ему помолися; тѣмъ <sup>1)</sup> и слыша: *аминь глаголю тебѣ: днесъ со Мною будеши въ Раи* (Лук. 23, 43). Тако глаголетъ святой Амвросій: «въ той часъ, въ онѣже рай пріять Христа, пріять и разбойника». <sup>2)</sup> Но сію славу разбойникови сама <sup>3)</sup> подаде вѣра, что разсуждая, нѣкто бесѣдуетъ къ разбойнику: «непобѣдиме мучениче! отъ всецѣлаго мірскаго неплодія въ тебѣ первородное вѣры Христосъ пріять, ты—Петръ на крестѣ Петра [иже] во дворѣ Каіафовѣ разбойникъ бысть» <sup>4)</sup>. Слышимъ ли, что вѣра можетъ? То уже и мы стяжимъ ю себѣ въ молитвѣ нашей, да возможемъ просимое получить. Самъ Господь нашъ учитъ ны: *вся елика молящеся просите, вѣруйте, яко пріемлете, и будетъ вамъ* (Мар. 11, 24. Матѣ. 21, 22). И Іаковъ святой: *аще кто отъ васъ лишенъ есть премудрости, да проситъ отъ дающаго Бога всѣмъ простъ, и не поношающаго и дастся ему; да проситъ же вѣрою, ничтоже сумняся, сумняйся бо уподобися волненію морскому, вѣтры возметаему и развѣваему, да не мнитъ человекъ онъ, яко пріиметъ что отъ Бога* (Іаков. 1, 5—7). Откуда же сію вѣру стяжимъ въ молитвѣ, да все, еже просимъ, пріимемъ? Послушаймъ святаго Каллиста, глаголюща; «раждается вѣра съ <sup>5)</sup> дерзновенія къ Богу. Дерзновеніе же бываетъ отъ сего, егда кто благоугодитъ Богу. Многихъ бо трудовъ требъ есть, да благоугожденіемъ Богу стяжетъ кто къ Нему сицевое дерзновеніе, дабы моглъ вѣрнѣ вѣрити, яко вся, елика имать просити, пріиметъ. *Просите, рече, и дано бу-*

<sup>1)</sup> Сего ради.

<sup>2)</sup> Слово св. Амвросія о разбойникѣ.

<sup>3)</sup> Едина.

<sup>4)</sup> Содѣлася.

<sup>5)</sup> Отъ.....

*детъ вамъ (Мѣ. 7, 7). И святыи Іоаннъ: возлюбленіи, аще сердце наше не зазритъ намъ, дерзновеніе имамы къ Богу, и еже аще просимъ, приѣмлемъ отъ Него, яко заповѣди Его соблюдаемъ, и угодная предъ Нимъ творимъ (Іоан. 3, 21—22) <sup>1)</sup>.*

## Бесѣда IV <sup>2)</sup>.

*Нога бяхъ хромымъ.*

Іов. 29, 15.

Вопросимъ Іерусалимскаго хромца, иже носимъ бываше: «гдѣ обрѣте нозѣ?» Речетъ: «при дверехъ церковныхъ, рекомыхъ красныхъ» (Дѣян. 3, 2). Блаженъ еси, хромче, яко доброе избралъ еси мѣсто себѣ—двери церковныя красныя, при нихъ же исправистася твои нозѣ. Но блаженнѣйшіи суть держащіяся Пречистой Дѣвы, и при Ней избравшіи себѣ мѣсто, Та бо есть много краснѣйшими дверми, Церковь и Врата суши, <sup>3)</sup> при нихъ же не точію тѣлесныхъ (яко же рѣчениѣй Аннѣ <sup>4)</sup>), но и душевныхъ ногъ хромота врачуется. Хрома бѣше душевными ногами египетская грѣшница <sup>5)</sup>, толико хрома, яко ниже прага церковнаго преступити можаше: «егда, рече, убогая моя нога празѣ <sup>6)</sup> коснуса, церковь всѣхъ приимаше и невозбраняше никомуже, мене же окаянныя не приимаше; но яко множество воинъ (бѣше) устроено вхожда затворяти, тако и мнѣ нѣкоторая сила Божія возбраняше». Зри же, како у образа Богородична утвердистася ея нозѣ: не точію вниде въ церковь поклонитися Честному

<sup>1)</sup> Слово Патріарха Калл. въ недѣлю 10-ю по Св. Духѣ.

<sup>2)</sup> Помѣщена послѣ описанія чудеснаго исцѣленія жены нѣкоего знатнаго челоуѣка, Пенскаго, Анны, которая много лѣтъ не могла ходить ногами и совершенно исцѣлилась, молясь предъ чудотворною иконою Пресв. Богородицы, что въ Ильинскомъ Черниговскомъ монастырѣ. Это было въ 1671 г.

<sup>3)</sup> Ибо Она, будучи Церковію и Вратами, есть Дверь много краснѣйша (въ сравненіи съ вратами рекомыми красными).

<sup>4)</sup> Указаніе на исцѣленную.

<sup>5)</sup> Раауѣтася Преподобная Марія Египетская.

<sup>6)</sup> Прагу.



Древу, но и въ пустыню побѣже, по водамъ и по воздуху пойде. Тако врата сія мысленныя сильны суть къ уврачеванію ногъ обоихъ, тѣлесныхъ, глаголю, и душевныхъ. У вратъ обычнѣ убогіе милостыни просятъ: и гдѣ кто лучшую милостыню получить, яко у Пресвятой Дѣвы? Смущаху мя словеса оная: *врата сія затворена будутъ и не отверзутся* (Іезек. 44, 2) никогда же; бояхся, да некогда прибѣгъ, и толкнувъ, тощъ, неуслышанъ и посрамленъ отъиду: како бо чрезъ затворенныя двери, и никогда отверзающіяся, можетъ что внійти въ руцѣ мои? Но егда услышахъ поюща: *никтоже притекая къ Тебѣ посрамленъ отъ Тебе исходитъ, Пресвятая Богородице, но проситъ благодати и пріемлетъ даръ,* <sup>1)</sup>—пріяхъ упованіе, и дерзаю, аще и безстуднѣ прибѣгати къ Тебѣ, о Небесная Врата! Затворена Ты ко испытанію, *како и Дѣвою пребываеши и родити возмогла еси,* <sup>2)</sup>—сими дверьми нѣсть входяй: *радуйся, Святъ неизрѣченно Родившая! радуйся, еже како ни единая же научившая!* <sup>3)</sup> Но не затворена Ты къ подаванію милостыни: всѣмъ отверста, да всякъ хотяй Твоего Милосердія *внидетъ и изыдетъ и пажить обрящетъ* (Іоан. 10, 9). Проходящу ми врата вельможъ міра сего, многія видѣхъ препоны: стоятъ бо стражи у вратъ, иже или удерживаютъ,—откуда и почто грядеши опасно испытуютъ, или отнюдь не пускаютъ, или единыхъ пустятъ, другихъ же отженутъ. Смотрихъ же и печатлѣнія <sup>4)</sup> различная: нѣцыи отъ нихъ печатлѣются вратами, или затворенными, или отверстыми, но невходными. Стоятъ бо посредѣ ихъ—то звѣри, то съ обнаженнымъ оружіемъ воя <sup>5)</sup>, и кто тамо внійти можетъ? Егда же прихожду къ Твоимъ вратамъ, о Царице Всесильная, ничтоже сицево обрѣтаю. Не отрѣютъ <sup>6)</sup> мя стражіе, не отстрашуютъ <sup>7)</sup> звѣри, не прогоняютъ мя воя, ни кто же мя, почто

<sup>1)</sup> Параклисъ Богоматери.

<sup>2)</sup> Икосъ 9 Акаѳ. Богом.

<sup>3)</sup> Икосъ 2 тамъ же.

<sup>4)</sup> Гербы. Примѣч. на полѣ перваго печатнаго изданія 1688 г.

<sup>5)</sup> Воины.

<sup>6)</sup> Не отталкиваютъ.

<sup>7)</sup> Не отпугиваютъ.

гряду, испытуетъ; но невозбранно вхожду, предстою предъ Тобою, и бесѣдную къ Тебѣ, аще и недостойнъ; Ты же мя зриши, послушаеши, милуеши и подаеши [яже] къ полезному прошенію. Изъ дверей вельможъ многихъ многожды зрѣхъ исходящихъ плачущихъ, неуслышанныхъ, непомилованныхъ, горѣ <sup>1)</sup> оскорбленныхъ: изъ дверей же Твоихъ — кто когда оскорбленъ изыде? И точію ко дверемъ Твоимъ прибѣгъ уже плачь забывается. Ни бо <sup>2)</sup> терпиши, о Мати, чадъ своихъ оскорбленныхъ и неутѣшенныхъ зрѣти!...

### Правоученіе IV.

Вси уклоняющіися отъ пути праваго, несохраняющіи завѣта Господня, хромы суть: *охромоша отъ стезь своихъ*, глаголетъ псаломникъ (Пс. 17, 46). Хромы же двояко: единоножно и обоножно. Единоножно тѣмъ, иже яко храмляй, то право <sup>3)</sup> станетъ, то къ землѣ преклонится; тако они: то къ добродѣтели обращаются, то ко злобѣ возвращаются, то востаютъ, то паки падаютъ, и аки двоими шествуютъ пути: о сицевыхъ глаголетъ Сирахъ: *юре грѣшнику, ходящу на двѣ стезь* (2, 12). Обоножно же хромы суть тѣмъ, иже единою падши, не хотятъ ни когда востати, но *улыбше въ тмѣннѣи глубины*, <sup>4)</sup> (Пс. 68, 3), и отчаявшеся своего спасенія, яко безъ ногъ, по землѣ *суеты суетствъ* (Еккл. 1, 2) ползаютъ: *смирися въ персть душа ихъ, прильпе земли утроба ихъ* (Пс. 43, 26). Или носимы бываютъ аки нѣкимъ носиломъ обычаемъ грѣховнымъ не аможе бы они хотѣли, но амо грѣховная страсть ихъ вблить: *не еже хотятъ сія творятъ, но еже не хотятъ, сіе содѣваютъ*, (Рим. 7, 19), не они, но *живый* въ нихъ *грѣхъ* (ст. 20). Къ таковымъ хромцомъ вопіетъ Ілія Пророкъ: *доколь вы храмлете на обѣ плесну вашею* (3 цар. 18, 21). Сицевымъ, да ихъ *нозѣ ста-*

<sup>1)</sup> Хуже.

<sup>2)</sup> Ибо не.....

<sup>3)</sup> Прямо.

<sup>4)</sup> Завязнувъ въ глубокой тмѣ.

*нутъ на правотъ* (Пс. 25, 12) требъ не отступно церковныхъ покая-  
нія святаго дверей держатися; яко же бо дверми въ храмину вступують,  
такъ покаяніемъ святымъ въ общеніе церковное, во исправленіе житія,  
въ полученіе милости Божія и прощенія грѣховъ и въ небесныя обители  
входятъ. Сими дверми вниде разбойникъ, мытарь, блудница и блудный  
сынъ. Подвизаймося <sup>1)</sup> убо и мы внити сквозъ тѣсная трудовъ покаян-  
ныхъ врата, донележе имамы время; мнози бо по семъ *взыщутъ внити,*  
*но не возмогутъ* (Лук. 13, 24). Нынѣ въ сія двери [да] толцемъ,  
глаголюще: *покаянія двери отверзи ми, Жизнодавче!* <sup>2)</sup> Нынѣ послу-  
шаймъ учащаго ны Апостола: *испущенныя руки, ослабленныя колѣна*  
*исправите* (Ис. 35, 3), *и стези правы сотворите ногамъ вашимъ,*  
*да не хромое совертится, но паче да исцѣлѣетъ.* (Евр. 12, 13).

## Бесѣда V <sup>3)</sup>.

*Радуйся, яко тромъ, враги устрашающая!*

Акаѳ. Икосъ 11-й.

Брань житіе наше, а брань къ началомъ и властемъ, къ міродер-  
жителемъ тьмы въка сего, къ духовомъ злобы поднебеснымъ (Ефес.  
6, 12), надъ ними же побѣда есть вещь зѣло добра, но не удобна.  
Добра: приносить бо вѣнецъ; неудобна же: супостата бо нашего злоба  
много, сила его крѣпка, а естество наше страстно, и сила наша немощ-  
на. Но не бойся, человѣче, ниже отчай <sup>4)</sup> побѣды: имаша Помощнику Пречи-  
стую Дѣву Воеводу Возбранную, Ей же побѣдительная восписуемъ. Сію  
въ помощь призови, глаголетъ бо: *призови Мя въ день печали твоея*  
*и избавлю тя и прославиши Мя* (Пс. 49, 15). Сей Помогающей <sup>5)</sup>

<sup>1)</sup> Будемъ подвизатися.

<sup>2)</sup> Великопостная стихира на утрени воскресной по Евангеліи.

<sup>3)</sup> Положена послѣ описанія чудеснаго исцѣленія предъ чудотворною иконою Пресв. Бого-  
родицы, что въ Ильинскомъ монастырѣ, инокини Александры отъ ѳсинованія, въ 1672 г.  
въ Апрѣлѣ мѣсяцѣ.

<sup>4)</sup> И не отчаявайся.

<sup>5)</sup> При Ея помощи.

узриши врага побѣжденна. Въ показаніе истины реку что <sup>1)</sup> отъ Писанія. Во пѣснехъ пѣсней речеса о реченнѣй: *выя Твоя яко столпъ Давидовъ, тысяща щитовъ виситъ на немъ, и вся стрѣлы сильныхъ.* (4, 4). Что есть той столпъ, еще не Дѣвыя крѣпость въ наше вѣрныхъ спасеніе, столпъ крѣпости отъ лица вражія? Что суть тыя щиты, еще не защищенія? Что суть тыя стрѣлы, еще не враговъ побѣда? Егда врагъ на насъ воюеть, Она щитами насъ заслоняетъ; егда же мы на врага воюемъ, Она намъ стрѣлъ сильныхъ додаетъ; егда ослабѣваемъ, Она яко столпъ насъ вспираетъ, <sup>2)</sup> да не падемся. Сицевую Воеводу въ брани имуще, кто враговъ убоится? Горе безъ Нея хотящему соплестися съ супостатомъ. Но Ты, Владычице, воиномъ своимъ, вѣрно Тебѣ служащимъ, не допускаешь самимъ <sup>3)</sup> быти во брани; выну еси съ ними, подвигъ ихъ смотря и помогая. Увѣряюся о семъ, взирая на Твое знаменіе на небеси явленное, солнцемъ одѣянное, иже тогда явися, внегда всей твари разореніе показовашеся. Сице пишется: *быша блистанія, и гласы, и громы, и трусь, и градъ великъ. И се знаменіе веліе явися на небеси: жена, облеченна въ солнце.* (Апокал. 11, 19; 12, 1). Кто не вѣсть, яко жена та явлена Пресвятую Дѣву прознаменоваше, о чессмъ многое есть Учителей церковныхъ согласіе. Здѣ смотри: почто Та жена не явися прежде блистаній, громовъ, гласовъ, труса и града, внегда еще вся стихіи бяху въ мирѣ, но въ самое то страшное небесе же и земли смущеніе? Того ради, да покажется, что Пречистая Дѣва, въ самой лютейшей брани, въ самое злое время, внегда съ супостатомъ нашимъ боремся, внегда насъ ратуетъ врагъ,—то блистаніемъ похоти очесъ, то гласомъ гордости живота, <sup>4)</sup> то градомъ внезапныхъ страстей и безчисленныхъ навѣтовъ, то громомъ страхованія, то трусомъ отчаянія: тогда Она яко Солнце восходитъ въ помощь, да—аще кто побѣждается, сего утвердить; аще кто уязвляется, сего исцѣлить; аще кто падаетъ, сего воздвигнетъ; аще же кто и умеръ есть душою, во

1) Нѣчто.

2) Поддерживаетъ.

3) Единымъ, единокимъ.

4) Житейской.

брани лютѣ побѣжденъ, помощи же Ея не отчаявъ, сего воскресить и паки къ подвигу вооружить; аще же кто добръ подвизается, по семъ побореть <sup>1)</sup> и за подвигъ мзду уготовить. Во всемъ же томъ бранномъ времени, да нощь области темныя борющихся не покрываетъ, является [облеченною] въ солнцы, просвѣщающи тьму нашу. Тако Тая Возбранная Побѣдителка <sup>2)</sup> со своими всегда есть во брани. И кто не станетъ добръ противу грѣху, имущи готовую помощь — Пресвятую Дѣву? О Всесильная! *обитель Твою сохраняй, въ Тебѣ бо сія вѣрно и почествуетъ*, <sup>3)</sup> *въ Тебѣ и утверждается; и Тобою побѣждаючи, вышша есть всякаго искушенія и плыняетъ враги, и проходитъ послушаніе* <sup>4)</sup>.

## Нравоученіе V.

*Внѣуду брани, внутрѣуду страха*, глаголетъ Апостолъ, (2 Кор. 7, 5), а во бранехъ и страхахъ обычнѣ людіе скоро емлются оружія. Мы [же] коего оружія во отгнаніе страхованій взыщемъ?—Сего, еже намъ святыи Іоаннѣ Лѣствичникѣ велить,—Имени Иисусова: «всегда Иисусовымъ Именемъ бій ратники, крѣпчайше бо сего оружія не обрящещи ни на небеси, ни на земли» <sup>5)</sup>. Но примите и мой совѣтъ: другое всесильное имя, аки другое оружіе, во другую руку возьмите,—Имя Маріи Матере Иисусовы: крѣпчайши бо и сего оружія не обрящещи. Аще насъ ратуетъ врагъ двоими странами—десными и шуими; то мы противу идемъ ему съ двѣма оружіи — со Именемъ Иисусовымъ и Маріинымъ, да единымъ десныхъ, другимъ шуихъ побѣдимъ ратниковъ. Како же крѣпко есть оружіе—Имя Маріино?—Слыши, что во Акаѣистѣ читается: «все противныи

<sup>1)</sup> Сему будетъ помогать во брани.

<sup>2)</sup> Побѣдительница.

<sup>3)</sup> Слав. царствуетъ (градъ). Обдержитъ, стоитъ.

<sup>4)</sup> Св. Андрѣи Критскаго Великій Канонъ, пѣснь 9. Проходитъ послушаніе—по перев. М. Филарета: править подчиненными.

<sup>5)</sup> Лѣствица, слово 15 о чистотѣ.

дуси страхомъ одержимы трепещуть, боящися Имени Святаго Твоего <sup>1)</sup> Да будетъ ми лѣтъ <sup>2)</sup> Господю мою именовати оружіемъ симъ, имъ же Давидъ побѣди Голіава, си есть пращею; яко же бо отъ пращи излетѣвый камень уби иноплеменика, тако отъ Нея Христосъ исшедый, Иже есть Камень краеуголень, убилъ (того), на него же паде; *всякъ бо, иже падетъ на Камени семъ, сокрушится, а на него же падетъ, сотрется и.* (Мѡ. 21, 44). Егда Давидъ пріять въ руцѣ пращу, избра себѣ къ ней пять каменій добрыхъ отъ потока: въ имени Богородичномъ личу <sup>3)</sup> пять литеръ: *Маріа*. Пять то суть камній, убивающихъ адскаго филистина <sup>4)</sup>: Магнитъ, адамантъ, рубинъ, іакинѣъ, амеѣистъ. Каждо же ихъ свойствомъ своимъ нѣкую добродѣтель Маріину изображаютъ. Магнитъ, влекущій къ себѣ желѣзо, образуетъ смиреніе Маріино, еже привлече Бога на землю; въ словесѣхъ бо <sup>5)</sup> Ея смиренныхъ сихъ: *се раба Господня, буди Мнѣ нынѣ по глаголу твоему* (Лук. 1, 38),— сниде Богъ съ небесе и воплотися отъ Нея. Адамантъ твердый являетъ мужество Маріино. Рубинъ червленый—цѣломудріе. Іакинѣъ—небеснаго видѣнія, <sup>6)</sup> показываетъ Богомышленіе Ея. Амеѣистъ огневидный любовь палающую. <sup>7)</sup> Аще и вси Голіады пекельныи <sup>8)</sup> сими пятьма <sup>9)</sup> мысленными камнями побѣждаются, изряднѣе же пять большихъ (отъ нихъ). Магнитомъ смиренія убивается бѣсъ гордости. Адамантомъ мужества уязвляется бѣсъ, страхованія наносящій и ослабляющій къ подвигу. Рубиномъ цѣломудрія—бѣсъ безстыдія и нечистоты. Іакинѣомъ Богомышленія поражается бѣсъ земнаго пристрастія. Амеѣистомъ любви—

1) Акаѣистъ....

2) Позволено.

3) Насчитываю.

4) Филистимлянина—дѣвола.

5) Ибо при словесехъ.

6) Цвѣта.

7) Пламенную.

8) Адскіе.

9) Пятью. Здѣсь какъ и въ нѣкоторыхъ (впрочемъ весьма немногихъ) другихъ мѣстахъ, позволивъ себѣ, въ избѣжаніе темноты смысла, на значительную перестановку словъ и цѣлыхъ предположеній, мы не касаемся самыхъ словъ подлинника.

бѣсъ ненависти. И не дивно, что Имени сего пресвятаго бояться и трепещутъ бѣсы. Еще бо въ Вѣтсемъ Завѣтѣ пять вещей обрѣтошася, почитающихся отъ пяти литеръ Имене Маріина, иже силу сего имени прознаменоваша: Море черное. Арעדъ источникъ. Руно Гедеоново. Иорданъ рѣка. Араратъ гора. Море Фараона потопа (Исх. 15, 19); при Арעדѣ источницѣ Мадіамъ до конца пораженъ (Суд. 7, 1); на рунѣ Гедеононъ пріять знаменіе побѣды (Суд. 6, 37, 40). При Иорданѣ царіе Амморейстии Иисусомъ Навиномъ повоєваны (I. Нав. 5, 1). Араратъ гора ковчегу пристанище бысть (Быт. 8, 4). Все то прообразоваше Дѣву Марію, Иже и фараона мысленнаго потопа, и мадіамовъ и аммореовъ адскихъ порази, и, яко руно-росу, Слово во утробу пріять, и пристанищемъ есть <sup>1)</sup> небурнымъ всѣмъ зъ <sup>2)</sup> потопа страстей къ Ней пловающимъ. Тѣмъ же всякъ вѣрный Именемъ Ея Пресвятымъ—Марія, яко пращю, пять каменій содержащую, вооружайся и побѣждай враги твоя!

## Бесѣда VI <sup>3)</sup>.

*Радуйся, вѣрныхъ озаряющая смыслы!*  
Акаѳ. Икосъ 2-й.

Сотецѣтесь <sup>4)</sup> здѣ вси, ограденіи умомъ, буи и невѣжды со мною сѣмо приидѣте: се имамы премудрости Наставницу и смысла Подательницу Пресвятую Дѣву. Та научить, Та вразумить, Та наставить ны [на] вся. Вѣсте, яко всякъ неразумный учится отъ книги, ненаказанный наказуется отъ премудраго, невѣжда наставляется отъ предводителя. <sup>5)</sup> Пречистая Дѣва есть и Книга, и Премудрость, и Предводитель.

---

<sup>1)</sup> И пристанище есть небурное.

<sup>2)</sup> Отъ.....

<sup>3)</sup> Помѣщена послѣ описанія чудеснаго исцѣленія Черниговскаго жителя Лаврентія отъ помпомѣшательства, что случилось въ 1672 году.

<sup>4)</sup> Стецѣтесь.

<sup>5)</sup> Руководителя.

Книгою есть <sup>1)</sup> по реченному Дамаскиномъ: «Книга новая, въ Ней же неизрѣченнымъ образомъ Богъ Слово кромѣ всякаго дѣла рукъ вписанъ». И Андрей Святый Критскій глаголетъ: «Книга воистину Жива Слова Отца, тайно вписаннаго животворною тростію Духа» <sup>2)</sup>. Сія Книга премудрыхъ превосходитъ разумъ, а любомудрыя и хитрословесныя немудрыя и безсловесныя творить; хотящія же отъ Ней научиться изъ глубины невидѣнія <sup>3)</sup> извличить. Любомудрствоваше и хитрословяше проклятый Несторій, уча Богородицу не глаголати, но Христородицу; сей, мняся быти премудръ, обезумися. Простъ быше святой Романъ лѣвецъ; сей Богородицею наученъ до тысящъ кондаковъ написа, явилиися ему Пресвятѣй Владычици <sup>4)</sup> нашей Богородици во снѣ, и свитокъ книжный тому вдавши и повелѣвши снѣсти, иже и отверзъ уста своя, поглону хартію и исполнися премудрости: сея Книги взыщи всякъ хотяй учиться. Взыщи Ю, невѣжде, да научишися разума духовнаго: Та бо наставляетъ къ разуму Божественному <sup>5)</sup> всѣхъ, зарею умъ просвѣщаючи. <sup>6)</sup> Взыщи Ю, горде, да научишися глубинѣ смиренія, не удобъ зримаго и Ангельскими очима. <sup>7)</sup> Взыщи Ю, нечисте, да обрящеши чистоты сокровище. Гнѣвливе со завистливымъ! взявше съ собою вкушъ и лакомаго, <sup>8)</sup> взыщите Ю, да научитесь любви и духовныя нищеты. Чревообъястне <sup>9)</sup> со лѣнливимъ, поищѣта <sup>10)</sup> Марію, да воздержанію и бодрости навькните. Дѣва Марія есть *Премудрости Божія пріятелище*. <sup>11)</sup> Ненаказанніи! <sup>12)</sup> наказуйтесь отъ Ней: Та со *высокимъ проповѣда-*

<sup>1)</sup> Она есть книга...

<sup>2)</sup> Въ словѣ о успеніи Пресвятыя Богородицы.

<sup>3)</sup> Невѣдѣнія. См. Акаѳ. Богоматери, икосъ 9-й.

<sup>4)</sup> Явльшейся ему Пресвятѣй Владычицѣ..., т. е. когда явилась ему Пресвятая Владычица...

<sup>5)</sup> Къ познанію Бога.

<sup>6)</sup> Акаѳ. Икосъ 11-й.

<sup>7)</sup> Акаѳ. Икосъ 1-й.

<sup>8)</sup> Жаднаго.

<sup>9)</sup> Чревоугодниче.

<sup>10)</sup> Поищите.

<sup>11)</sup> Акаѳ. Икосъ 9-й.

<sup>12)</sup> Неразумніи, ненаученніи...



нѣмъ <sup>1)</sup> глаголетъ: иже есть безуменъ, да уклонится ко Мнѣ; и требующимъ ума рече: придѣте ядѣте Мой хлѣбъ, и пійте вино, еже черпаетъ вамъ, и оставите безуміе. (Притч. 9, 3—5). Чудяшеся нѣкто, слыша вино, на неже призывается безумный, да упремудрится: гдѣ бо вино даетъ премудрость? паче обезумляетъ и премудрыя. Не безъ вины Апостолъ велитъ *не упиватися виномъ* (Ефес. 5, 18); [ибо] аще и премудръ виномъ погубляетъ разумъ свой, то почто безуменъ на не призывается? точію да безумнѣйшій будетъ... Но рѣхъ ему не чудитися, ино бо есть вино то, что умъ погубляетъ, а ино вино Маріи, Иже <sup>2)</sup> сокровиществова въ себѣ Божію премудрость. О винѣ Ея пророкъ извѣствуетъ, яко, не безуміемъ, но цѣломудріемъ упоетъ: *вино*, рече, *рождающее двѣ* (Зах. 9, 17), <sup>3)</sup> и кія двѣ? Не буія, но мудрыя, *пріемшиа елей въ сосудѣхъ со свѣтильники своими* (Мѣ. 25, 4). Симъ убо виномъ и буія никогда умудришася; <sup>4)</sup> не сумнися уже и ты, любимиче, о винѣ Ея, но приди и испій отъ Нея премудрость съ прочими. Питъ <sup>5)</sup> отъ Нея Дамаскинъ, почерпъ усѣченною рукою, и коль упремудрися Аки источникъ бысть, истекающъ премудрыхъ пѣсній потоки. Слыши, что егову <sup>6)</sup> старцу глаголетъ во видѣніи Богородица: «не заграждай источника Моего». То уже ни ты <sup>7)</sup> лиши себе сицевая питія. Дѣва Богородица есть Предводитель: невѣжи наставляйтеся отъ Нея! Наставляше иногда Гedeонъ триста вой Израилевыхъ ко боренію съ Мадіамомъ, и странное въ нихъ бѣ видѣти къ брани устроеніе: <sup>8)</sup> вмѣсто меча и копій свѣщи въ рукахъ державу и

1) Возвысивъ голосъ.

2) Иже, т. е. Марія.

3) По чтенію Острожскаго изданія; теперь читается это мѣсто у Захаріи Пророка такъ: *пшеница юношамъ и вино благоуханно двѣмъ*.

4) И нѣкогда буія — умудришася. Последнее слово—*умудришася* въ текстѣ печатномъ 1683 г. стоитъ: *умудритесь*, т. е. въ той же формѣ, какъ и въ Библии, но безъ согласенія съ ходомъ мыслей въ данномъ мѣстѣ.

5) Пилъ.

6) Его.

7) Посему и ты не...

8) Уготовленіе.

симъ прогнанъ бысть супостатъ (Суд. 7, 20). Мадіамъ адекъ бореть мя, и како прожену его, не вѣмъ! настави мя Ты, Богородице! имамъ бо Тя Свѣщу Свѣтопріемную, Ею же тьма темныхъ прогонится полковъ. Блаженъ и премудръ есть придержайся Свѣщи Сей, вмѣсто крѣпкаго оружія; безумень же есть нестяжавый Ея. Дѣвы оныя пять, повнегда свѣтильникомъ угаснути, буи имя <sup>1)</sup> себѣ притяжаху; неугасшіи же свѣщи имущіи, мудри именовашася. (Мѣ. 25, 4). Имѣяй Тя себѣ въ свѣтъ, о Владычице! — сей воистину мудръ есть; ходяй бо во свѣтъ Твоемъ не падется. Не имѣяй же Тя—буй и невѣжа, [сей] во тьмѣ ходить; *ходяй же во тьмѣ поткнется* (Іоан. 11, 10). Повелѣвашеся отъ Господа Моисеови во исходѣ, да свѣтильникъ во храмъ свидѣнія никогда угаснетъ, но всегда да горить (Исх. 27, 20): се прообразоваше Наставницу нашу Пресвѣтлую, о Ней же Приточникъ предлагае: *не угаснетъ свѣтильникъ Ея всю ночь* (Притч. 31, 18). Сея свѣтъ всегда умъ озаряетъ, всегда тьму просвѣщаетъ, всегда ко разуму наставляетъ всѣхъ вѣрныхъ. О Всесвѣтлый Свѣте! просвѣти свѣтильникъ мой; Госпоже Богородице! просвѣти омраченную душу мою.

## Нравоученіе VI.

Всякъ непокаянный грѣшникъ есть безумень, не имать разума. Умъ или разумъ въ человѣцѣ есть едина свѣтлая свѣща, темности невидѣнія отгоняющая, показующая же, что есть доброе, а что злое, и всегда человѣка на свѣтлый заповѣдей Божіихъ путь наставляющая. Егда же человѣкъ, не послушая добраго, внутрь просвѣщающаго его разума, уклонится по волѣ своей злой, — *зане прилежитъ помысленіе чело-вѣку на злая отъ юности его* (Быт. 8, 21), — и пойдетъ по своимъ похотемъ, дѣя неподобная, аще и вѣсть, показующу ему разуму, что смерти согрѣшати—зла вещь, за то бо имать вѣчныя казненъ быти,

<sup>1)</sup> Имя буйхъ, глухыхъ.

не брежетъ же о семъ и нерадитъ о грѣсѣ своемъ: тогда изступуетъ <sup>1)</sup> ума, погубляетъ разумъ, и яко безуменъ въ темности буйства заблуждаетъ. О таковыхъ Псаломникъ [глаголетъ]: *не увидѣша, ниже разумѣша, во тьмѣ ходятъ* (Пс. 81, 5), и святой Каллистъ: «не имутъ воистину свѣтлости Божественнаго разума въ злобѣ и безчиніи живущіи; яко же бо солнечныя лучи закрываются отъ темныхъ облаковъ: тако умъ нашъ, въ души нашей аки въ полудне ясно свѣтящій, потемняется буйствомъ. А буйство кое большее, яко же грѣхъ?» <sup>2)</sup> Сиче глаголетъ Хризостомъ: <sup>3)</sup> «ничто же есть злѣйше паче грѣха». Буими то <sup>4)</sup> творить сихъ, иже прежде разумомъ и премудростію быша велицы. Премудръ бѣше Соломонъ, но коль обезумися грѣху работая? И инѣхъ не мало премудрыхъ грѣхомъ погибоша. Молити убо требъ прилѣжно Господа, да отгнавъ отъ насъ буйство грѣховное, просвѣтитъ нашъ умъ свѣтомъ разума святаго Евангелія. Господи, *вразуми мя, и испытай законъ Твой, и сохранию и* <sup>5)</sup> *всѣмъ сердцемъ моимъ. Благости и наказанію и разуму научи мя.* (Пс. 118, 34, 66).

## Бесѣда VII <sup>6)</sup>.

*Яко же кого мати утѣшаетъ, такоже и  
Азъ утѣшаю вы.*

Ис. 66, 13.

Пророковаше Исаія: *у горы сея испіютъ радость, испіютъ вино* (Ис. 25, 6) Не вопрошаю тя, Пророче, у коея то горы испіютъ радость, испіютъ вино, егда въ горѣ Болдынстѣй сичевое питіе вижду, — питіе

<sup>1)</sup> Изступается изъ..., лишается...

<sup>2)</sup> Наука (то есть: поученіе) въ недѣлю 27.—Примѣч. на полѣ.

<sup>3)</sup> Злагоустъ.—Въ бесѣдѣ 17 на Бытіе.

<sup>4)</sup> Т. е. грѣхъ.

<sup>5)</sup> Его.

<sup>6)</sup> Помѣщена послѣ описанія чудеснаго исцѣленія малолѣтней дочери Черниговскаго жителя, капитана Андрея Рачкевича, страдавшей слѣпотою и нѣмотою; это чудо совершилось предъ чудотв. Иконою Ильинской, во время обычнаго чтенія Акаѣиста въ субботу.

же глаголю благодать Пресвятой Дѣвы отъ Иконы Ея чудеснѣ истекающую: то наша радость, то наше вино, еже всякъ притекаяй несумнѣнно, піеть. Притекаетъ здѣ печальный, и піеть радость. Притекаетъ болящій, и піеть здравіе. Притекаетъ немощный, и піеть силу. Притекаетъ грѣшный, и піеть спасеніе. Притекаетъ праведенъ, и піеть надежду. Притекаетъ беззаконный, и піеть цѣломудріе. Притекаетъ ненадежный и піеть упованіе. Притекаетъ невѣжда, и піеть разумъ. И вси притекающіи піють отъ обилія благодати Ея потокъ сладости духовныя: Она бо есть Рѣка Божія даровъ наполненная, отъ Ея же исполненія и мы приедемъ. Повѣствуетъ Давидъ, яко *вино веселитъ сердце человека* (Пс. 103, 15); и кое вино тако веселитъ сердце, яко Ты, о Маріе, Лозо Истиннаго Винограда? Ты еси Чаша, черплющая радость, <sup>1)</sup> Чаша же добра, претрусна <sup>2)</sup> и преизливающаяся. Праведныхъ цѣлою чашею радости напаяеши, грѣшныхъ же—тѣми каплями, иже отъ изобилія чаши Твоея преливаются. Обаче насъ и сими напой жаждущихъ: аще бо *пси ядятъ отъ трапезы господій своихъ* (Марк. 7, 28), то тыя же пси и да піють отъ капель, преливающихся [изъ] чаши милости Твоея и—довлѣтъ имъ! Сильна бо есть едина капля Твоея Благодати увеселити сердце, яко же и цѣлая чаша. Пишетъ Іоаннъ Святый, что въ Канѣ Галилеистѣй *сотвори Іисусъ начатокъ знаменіемъ Своимъ*, претворъ воду во вино и *яви славу Свою* (Іоан. 2, 11). Да будетъ ми лѣтъ <sup>3)</sup> рещи, яко начатокъ Чудесъ Своихъ Господь мой сотвори во Пречистой Дѣвѣ Маріи: [ибо] тако Ей чтеть Церковь, похваляя: *радуйся чудесъ Христовыхъ Начало!* <sup>4)</sup> Здѣ-то всѣхъ знаменій и чудесъ Божіихъ главизна: *радуйся веленій Его Главизно!* <sup>5)</sup> Здѣ [Господь] яви славу Свою, вселся во утробѣ Славнѣйшей Серафимовъ, и сотворивъ спасенію нашему начатокъ и вѣчныя тайны явленіе. Тамо лучшее Свое вино поставилъ на конецъ брака, идѣже можаху мнози уже быти и піяны, здѣ же ви-

<sup>1)</sup> Акаѳ. икосъ 11-й.

<sup>2)</sup> Утрясенная, нагнетенная.

<sup>3)</sup> Позволено.

<sup>4)</sup> Акаѳ. икосъ 2-й.

<sup>5)</sup> Тамъ же.

но сіе мысленное, глаголю — Матерь Свою Пречистую, поставляетъ въ начало жажды нашея, егда жаждемъ спасенія, егда жаждемъ въ бѣдахъ помощи, егда жаждемъ въ скорбѣхъ утѣхи; жажднымъ намъ Ю подаетъ, сице жажднымъ, *якоже жаждетъ елень на источники водныя* (Пс. 41, 2). Вино брачное на время увеселило друзей жениховыхъ; сіе [же вино] увеселяетъ на вѣки. Аще тамо отъ воды вино составися, — и здѣ вся воды скорбій, печалій и недуговъ нашихъ претворяются во вино радости, веселія и здравія. О Пречистая! *исполни веселія сердце мое, Твою нетлѣнную дающи радость, веселія рождши Виновнаго!*<sup>1)</sup>.

## Нравоученіе VII.

Двѣ суть слѣпотѣ: тѣлесная и душевная, но другая горша есть первая. Тѣлесная бо аще и всѣмъ видится зла, что вкупѣ со свѣтомъ утѣхи отъемлетъ, яко рече Святой Товія: како мнѣ радость будетъ, понеже во тьмѣ сижу и свѣта небеси не вижду; — обаче временна есть вкупѣ съ житіемъ человѣческимъ; скончается скончавшуся житію, по скончаніи же [человѣкъ] начнетъ зрѣти свѣтъ немерцающій. Нѣсть же и зла [сія слѣпота]: пользуется бо душу, и помогаетъ спасенію; отъяту сущу очному зрѣнію, отъемлется оказія<sup>2)</sup> ко грѣху: никогда сердце не вожделѣтъ, аще око не покажетъ, и егда что внидетъ презъ<sup>3)</sup> око до сердца, не скоро исходитъ отъ него. Отколѣ<sup>4)</sup> глаголетъ Святой Григорій: «единого образъ лица сердцу чрезъ очи привязанный, не удобъ великая нужды<sup>5)</sup>, руками отрѣшиться можетъ»<sup>6)</sup>. И Римскій древній мудролюбецъ Сенека, утѣшая нѣкоего [сущаго] во слѣпотѣ, глаголетъ, что слѣпота есть<sup>7)</sup> ча-

1) Канонъ молебный Пресвятой Богородицѣ, пѣснь 5-я.

2) Вина (примѣч. подлинника). Поводъ ко грѣху.

3) Чрезъ....

4) Посему.

5) Трудно, съ великимъ усиленіемъ.

6) На Іоанна, бес. 31.

7) Служить.


стью невинности, а очи грѣховъ предводителями; «плачешь, рече, яко погубилъ еси очеса: о коль многимъ вожделеніемъ путь тебѣ пресѣченъ есть! о коль многихъ вещей зрѣти не будешь, ихъ же бы тебѣ видѣти не подобало! Или не вѣси, что слѣпота есть частью невинности? Очеса—кому показываютъ нечистоту, кому домы, кому имѣнія и многообразное зло, --воистинну очи грѣховъ суть вожди!»<sup>1)</sup> Аще убо очеса сице вредятъ душу, то слѣпота, отъемлющая вину вреда, есть не бесполезна, но и спасенію виновна. А душевная слѣпота—о коль зла и душевредна, егда отъемлетъ намъ<sup>2)</sup> то, въ чесомъ вся радость, все блаженное наслажденіе Угодниковъ Божіихъ залежить,<sup>3)</sup> въ чесомъ вся труды покой имуть, вся подвиги вѣнцы носятъ, вся добродѣтели похвалу и мзду пріемлютъ,—се же есть видѣніе Лица Господня: то бо конецъ и пристанище всего небеснаго пути, егоже [аще] кто шествуетъ, [то] не почто ино, точію да видитъ Лице Господне: *когда прииду* [взываетъ Давидъ] *и явлюся Лицу Божію* (Пс. 41, 3)? *насышуся, вегда явитмися слава Твоя* (Пс. 16, 15). Того всего лишаетъ насъ слѣпота душевная: *нечестивіи не узрятъ Славы Твоея*, Боже (Ис. 26, 10), что само горѣе есть всякаго зла. Яко же бо Лице Господне видѣти, блаженнѣе есть паче всѣхъ небесныхъ блаженствъ, тако не видѣти Его лютѣе есть паче всѣхъ адовыхъ мучительствъ. Тако разсуждаетъ Златоустый Святый: «аще бы кто повидѣлъ тысящу гееннъ, ничто же сего реклъ бы лютѣе, еже отъ блаженныхъ славы чести изгнану и отъ Христа возненавидѣну быти, и слышати отъ Него: *не вѣмъ васъ* (Мѣ. 25, 12)! Слѣпота же душевная есть: непознаніе себе, непровидѣніе грядущихъ бѣдъ: смерти, суда и геенны, и вся смертныя грѣхи и страсти, въ нихъ же кто обываетъ и не хочетъ прійти въ чувство. Отаковой душевной слѣпотѣ Премудрость глаголетъ: *ослѣпи ихъ злоба ихъ, и не увидѣша Таинъ Божіихъ, ниже мзды уповаша преподобныя* (Прем. 2, 22). И Давидъ Пророкъ: *развератиста умъ свой и уклониста очи свои яко не*

<sup>1)</sup> Въ книгѣ: Щитъ терифнія, II, 24.

<sup>2)</sup> У насъ.

<sup>3)</sup> Заключается.

*воззлѣдати на небо* (Дан. 13, 9). И Псаломникъ: *очи свои возложиша уклонити на землю* (Пс. 16, 11). Сиде ослѣпленнымъ не являетъ Господь Лица Своего: глаголетъ [бо] у Іереміи: *хребетъ, а не лице покажу имъ* (Іер. 18, 17). Не велятъ врачеве здравому присмотрѣватися сѣхрѣлымъ <sup>1)</sup> или ослѣпленнымъ очесамъ, да не и здравыхъ зѣницы повредятся: и Небесный Врачъ отъ ослѣпленія нашего Лице Свое со свѣтлыми очесы своими отвращаетъ: *отвращеніемъ*, рече, *отвращу Лице Свое отъ нихъ въ той день, злобъ ради всѣхъ, яже сотвориша* (Втор. 31, 18). Егда же Господь отвращаетъ отъ насъ Лице Свое, тогда вся бѣды насъ постигаютъ, что Самъ [Онъ] изъясляетъ: *разгнѣваюся яростию на ня въ той день и оставлю я, и отвращу Лице мое отъ нихъ, и будутъ во изъяденіе, и обрящутъ я зли многа и скорби* (Втор. 31, 17). Того ради Давидъ сѣтуетъ: *отвратилъ еси Лице Свое и быхъ смущенъ* (Пс. 29, 8), — *отвращу же Тебѣ Лице, возмѣются* (Пс. 103, 29). Воспрянемъ убо, и къ Благому Врачу, Просвѣщающему всякаго человѣка, со слѣпотою нашею душевною притецѣмъ молящеся: *душевными очима ослѣпленъ, къ Тебѣ, Христе, прихожду, яко же слѣпый отъ рожденія*. <sup>2)</sup> *Не отвержи Мене отъ Лица Твоего* (Пс. 50, 13). *Не отврати Лица Твоего отъ отрока Твоего, яко скорблю* (Пс. 68, 18); *Тебѣ рече сердце мое: взыска Тебе лице мое, Лица Твоего, Господи, взышу* (Пс. 26, 8).



<sup>1)</sup> болѣзнующимъ.

<sup>2)</sup> Канонъ въ недѣлю 7 по Пасхѣ.

## Бесѣда VIII. <sup>1)</sup>

*Разрѣшила еси союзъ человеческій древною осужденію; тѣмъ молю Тя, Богородице: разрѣши всякъ союзъ злобный сердца моего, связавши мѧ, Пречистая, Божественною любовію Зизждителя.*

І. Дам. въ Окт. гласъ 2 въ четверт. на повеч. пѣснь 8-я.

Кто-либо <sup>2)</sup> во узахъ сый хоцещи отрѣшиться и свободъ быти, здѣ внемли: Марія разрѣшаетъ узы, Та даетъ свободу. Связа иногда <sup>3)</sup> Олофернъ Ахіора къ древу руками и ногама, и кто его отрѣши? Градъ Веулія. Сынове Израилевы, исходяще отъ Веуліи, придоша къ нему, и разрѣшивше его, приведоша въ Веулію (Іудію. 6). Веулія бѣше образъ Богородичень: яко же бо градъ онъ не одолѣнъ бысть врагами, тако ни Богородицы одолѣвають вси хулящіи Ю; и яко отъ Веуліи рука женска усѣче главу Олофернову (Іудію. 13), тако Богородица обезглавитъ князя, и яко же жители Веуліи Ахіора отъ древа отрѣшаютъ, тако молитвы Богородичны рѣшаютъ всякаго, Олоферномъ адскимъ связаннаго. Благополучень еси, Ахіоре, яко аще и связанъ былъ еси, обаче близъ Веуліи, прообразующія Матерь Іисусову: точію бо сѣвию Тою пріялъ еси отрѣшеніе! Благополучны и мы, приближающіися къ Самой Богородицѣ: Тою бо <sup>4)</sup> чаемъ избыти узъ нашихъ. Не единого отъ насъ врагъ нашъ невидимый вяжетъ — то коимъ <sup>5)</sup> недугомъ, то страстьми. Вяжетъ недугомъ, яко же реченнаго <sup>6)</sup> человѣка; и во Евангеліи чтется

---

<sup>1)</sup> Помѣщена послѣ описанія чудеснаго исцѣленія нѣкоего бѣсноватаго Ермолая предъ Ильинскою Чудотворною Иконою Богоматери.

<sup>2)</sup> Аще кто...

<sup>3)</sup> Нѣкогда.

<sup>4)</sup> Въ подлинникѣ очевидная опечатка: *тобою*, вм. *тою* бо.

<sup>5)</sup> Каковымъ-либо.

<sup>6)</sup> Исцѣленнаго Ермолая.



о нѣкоей женѣ связаннѣй бывшей отъ сатаны не мало лѣтъ: *сію дщерь Авраамлю сушу, юже связа сатана се осьмоенадесять лѣто, — не достояше ли разрѣшиться ей отъ юзы сєя* (Лук. 13, 16)? Вяжетъ насъ врагъ страстьми, на весь міръ своя распростерши сѣти, яко же видѣ святой Антоній, отъ земли даже до небеси, [и] тѣми уловляетъ насъ аки птицу. Глаголетъ святой Амвросій: «яко же птица, тако душа наша многоразличными видами уловляется: сило <sup>1)</sup> во златѣ, сѣтъ въ сребрѣ, пленицы во имѣніяхъ, узы въ любодѣяніи. Егда злато собираемъ, удавляемся; егда сребра ищемъ, уловляемся; егда имѣнія наслѣдствуемъ, затызаемся; <sup>2)</sup> егда кого доброта женская прельщаетъ, сего узами связуетъ. Того ради плачетъ Іеремѣя: *ловяще уловиша мя, яко птицу врази мои туне* (Пл. Іер. 3, 52). Во сицевыхъ узахъ что сотворимъ?—Возопіимъ къ Богородицѣ; [и] Тою яко Ахіоръ Веоулію будемъ разрѣшены. Веоулія излагается <sup>3)</sup> *Дѣва*, и кая Дѣва сие есть сильна разрѣшати узы, яко Дѣва Марія? Та имать власть вязати и рѣшати. Но кого Она вяжетъ? кого же рѣшитъ?—Вяжетъ Сына Божія на землѣ пеленами, вяжетъ и въ небѣ молитвами. Да елико [Онѣ] связася на земли, будетъ связанъ и на небеси, (Мѣ. 18, 18) и толико Его на небеси молитвами вяжетъ, яко ниже руку Ему воздвигнути, во еже ударити казнію грѣшника, и аще бы не Она Его связовала Матерними мольбами, *уже бы во адѣ вселилася душа наша* (Пс. 93, 17);—*аще бо не бы Ты предстала молящи за ны, кто бы насъ избавилъ отъ толикихъ бѣдъ? Кто бы насъ сохранилъ до нынѣ свободны?* <sup>4)</sup> Кого же Та Узорѣшительница разрѣшаетъ? Насъ, связанныхъ грѣхами; сие [бо] къ Ней молимся: *разрѣши мѣу прегрѣшеній моихъ Богоневѣсто.* <sup>5)</sup> Ни бо терпѣть рода человѣческаго связанна зрѣти, сущи свободы Мати. Связани быхомъ клятвою всеродною, юже наведе прамати Евва: *сію [клятву] разрѣши Дѣва Богородица: радуйся, клятвы раз-*

<sup>1)</sup> Силокъ, пѣтля.

<sup>2)</sup> Запутываемся.

<sup>3)</sup> Толкуется, переводится (съ Еврейскаго).

<sup>4)</sup> Канонъ Молебный Богоматери, тропарь.

<sup>5)</sup> Тамъ же, пѣснь 5-я.

*рѣшеніе, падшихъ исправленіе!* <sup>1)</sup> Связаны бѣху неплодіемъ родители Ея Іоакимъ и Анна, и сія узы Она разрѣши: *днесь безчадія узы разрѣшаются, Іоакима и Анны услыша Богъ, паче надежды родити тѣмъ явлѣ обѣщаетъ Богоотроковицу.* <sup>2)</sup> Не раждаемъ и мы добродѣтелей плода, аки смоковница неплодная, связаны бо есмы узами грѣхоблюбія: *взыщѣмъ прилѣжно отъ Узорѣшительки* <sup>3)</sup> *разрѣшенія [и] Тоя молитвами разрѣшеніе* улучивше, принесемъ *плодъ духовный: любви, радости, миръ, долготерпѣніе, благодать, милосердіе, вѣру, кротость, воздержаніе* (Гал. 5, 22).—О мысленная Веоуліе! разрѣши мя пленицами грѣховъ связаннаго, да достойны сотворю плоды покаянья!...

### Нравоученіе VIII.

Не только своими хитросплетенными пленицами, но и нашими собственными <sup>4)</sup> врагъ насъ связуетъ, егда мы, возлюбльше кую страсть, сами ея держимся, о ней любезнѣ помыслиающе, и ту мысль въ сердци сладцѣ удерживающе, и не точію исполнити желающе дѣломъ, но и благополучнаго на се време не ищуще, и сами окказію <sup>5)</sup> себѣ подающе до грѣха; отсюду [и] глаголетъ Приточникъ: *пленицами грѣховъ своихъ каждо затязается* (Притч. 5, 22). Юнѣ нѣкто моли старца молитися о немъ, да облегчаютъ ему страсти, «яко зѣло ми, рече, стужаютъ, и не могу терпѣти.» Молившу же ся святому не мало время съ постомъ и бдѣніемъ, прииде юный, повѣдая, яко ни малу имать ослабу отъ навѣта вражія. Чуди же ся преподобный како не успѣвають молитвы его, и приложи постъ къ посту, бдѣніе ко бдѣнію, труды къ трудамъ, моля Господа, да отженетъ отъ него искусителя. И се, явися ему бѣсъ, глаголя: «что труждаешься, старче, о онѣмъ юнѣмъ? азъ, по вьегда ты

<sup>1)</sup> Акаѳистъ, на хвалит. стихира 3-я.

<sup>2)</sup> Тропарь Декабря 9.

<sup>3)</sup> Узорѣшительницы.

<sup>4)</sup> Собственными.

<sup>5)</sup> Вину (примѣч. на полѣ въ подлин.)

начать о немъ молиться, отступихъ отъ него, по той самъ себѣ бѣсъ, ядый и пійай безъ времени, и сна доволѣ, <sup>1)</sup> упокоевая свое тѣло, живя во праздности и пріемля любезно скверныя мысли, сихъ удержавая, и въ нихъ услаждаяся, и [сіе] то ему <sup>2)</sup> возбуждаетъ страсти, зачинаетъ грѣхъ и родить беззаконіе.» Смотри, како отецъ лжи глаголетъ истину: во истинну бо отъ насъ самѣхъ, отъ нашего произволенія множицею дѣются неподобная, по реченному: *а еже отъ нихъ бываемая отай, срамно есть и глаголати* (Еф, 5, 12). И мы сами вольною волею многаши виновны погибели нашея бываемъ. Убо возненавидѣмъ грѣхи наша, отсѣцѣмъ страсти наша, не пріемлѣмъ скверныхъ мыслей, ниже ихъ удерживаймо <sup>3)</sup> въ сердци нашемъ, во пищи и питіи будѣмъ воздержны, во снѣ бодры, въ дѣлѣ не лѣнны, — тако разрѣшимъ пленицы грѣховъ нашихъ, *расторгнемъ узы ихъ и отвержемъ отъ насъ иго ихъ* (Пс. 2, 3), и внемлѣмъ Апостолу совѣтующу: *да не царствуетъ убо грѣхъ въ мертвенномъ вашемъ тѣлѣ, во еже послушати его въ похотѣхъ его; ниже представляйте уды ваша оружія неправды грѣху, но представляйте себе Богови, яко отъ мертвыхъ живы, и уды ваша оружія правды Богови. Грѣхъ бо вами владѣти не будетъ. Яко же бо представите удеса ваша рабы нечистоты и беззаконію въ беззаконіе, тако и нынѣ представьте удеса ваша рабы правды во святыню* (Рим. 6, 12—14. 19).



<sup>1)</sup> Довольно.

<sup>2)</sup> Въ немъ.

<sup>3)</sup> И не будемъ удерживать.

## Бесѣда IX. <sup>1)</sup>

*Радуйся, невидимыхъ враговъ мученіе!*

Акаѳ. Икосъ 4-й.

Многи бяху мучители, различные образы мукъ изобрѣтающіи на чело-  
вѣка. Кто мечи, кто огни, кто разжженные волю и сковрады, кто кипя-  
щую смолу и елей, кто въ водахъ потопленія, яко глаголати святымъ  
Мученикомъ: *приидохоу сквозъ огнь и воду* (Пс. 65, 12). Но ни  
единъ тако лють мучитель, яко діаволь, — ни едина лютейшая муча  
паче муки духа лукаваго, иже *множицею повергаетъ человека во огнь и въ  
воду да погубитъ его* (Мр. 9, 22). Не малые и во адѣ глаголють быти  
мучительства: огнь неугасимый, скрежетъ зубный, червь неусыпающій  
и прочія. Но ни тыя суть точны <sup>2)</sup> демономъ, глаголетбоя <sup>3)</sup> яко то-  
чю видѣніе ихъ страшнѣйшее есть паче всякія муки. Сихъ страшныхъ  
и прелютыхъ мучителей кто умучити и отъ мукъ ихъ кто избавити  
можетъ? Можетъ Пресвятая Дѣва Марія. Яряшеса <sup>4)</sup> Авимелехъ на бра-  
тію, ихъ же и изби, — на Сихемъ, его же и запали, — на Оивисъ, его  
же и обседе, <sup>5)</sup> и кто его яростнаго прещенія не убояся? Все пробѣгше  
крыяхуса, все въздоша на столпы и защищахуса. Обаче не убояся жена,  
но и прещеніе его укроти, и ярость попра, сверже изломилъ <sup>6)</sup> жернов-  
ный на главу Авимелеха и сокруши ему темя (Суд. 9). Се образъ быше  
Благословенной въ женахъ, Яже Каменемъ — Христомъ порази на главу <sup>7)</sup>

---

<sup>1)</sup> Положена послѣ описанія чудеснаго исцѣленія ѡсноватаго Михаила предъ иконою Пре-  
святыя Богородицы Ильинскія; при чемъ сей Михаилъ, въ изъявленіе своего благодаренія  
къ Цѣлительницѣ остался въ св. обители Ея трудиться на послушаніи.

<sup>2)</sup> Не могутъ быть сравниваемы.

<sup>3)</sup> Ибо сказано.

<sup>4)</sup> Гнѣвался. Авимелехъ, сынъ Гедеоиа, судія Израильскаго.

<sup>5)</sup> Осадилъ.

<sup>6)</sup> Обломилъ.

<sup>7)</sup> Во главу.

адскаго Авимелеха, убивающаго ны: [ибо] *онъ челоуькоубійца искони* (Іоан. 8, 44), и запалющаго ны огнемъ страстей: *отъ юности моя врагъ мя искушаетъ, и страсти палитъ мя,* <sup>1)</sup> и осаждающаго ны своимъ ловленіемъ, сѣтъ препя ногама нашими: *при стези соблазны положи мѣ намъ* (Пс. 139, 6). Мимо иду здѣ Іаилъ, иже коломъ проби главу Сисаррѣ, ниже возбесѣдую о Юдиѣ, обезглавившей вожда вой Ассирійскихъ: обѣ тыя бяху сѣновное прописаніе Дѣвы Маріи, Стершей главу мучителяву. Кому бѣсъ язва? Марія бѣсомъ рава: *радуйся, бѣсомъ многоплачевная язва!* <sup>2)</sup> Кого души лукавіи смущаютъ? Она, Духомъ святымъ осѣненна, духовъ лукавыхъ мучить, яко вопѣти имъ къ Сыну Ея: *пришелъ еси прежде времени мучити насъ* (Мѣ. 8, 29)! Всеи убо боящійся бѣсовскаго мучительства, къ Ней прибѣгнемъ вопіюще: о Всепѣтая! грядущаго насъ изми мученія!

## Нравоученіе IX.

О всякомъ, въ нечистотѣ препровождающемъ дни своя, глаголатися можетъ, что страдаетъ отъ духа нечистаго: гдѣ бо тако духъ нечистый жити любитъ, яко въ удесехъ блудничихъ. Совѣтоваше иногда Ангелъ Рафаилъ Товіи пояти себѣ во жену Сарру; [и] отрече ему Товія, глаголя: слышахъ, яко дана бѣ седми мужемъ и мертвы суть; но и се слышахъ, яко демонъ уби я. Отвѣща ему Ангелъ: послушай мя, азъ ти скажу, надъ ними же демонъ имать власть: сіи, иже оженяются сице, да Бога отъ себе и отъ своего ума отгоняютъ, и своему блудству тако настоятъ, яко конь и мекъ: надъ сими демонъ имать власть (Тов. 6). Но что глаголеши, о Ангеле, яко надъ тѣми точію имать власть діаволъ? Не имать ли власти [и] надъ инѣми грѣшниками? Надъ гордыми, надъ завистными, надъ гнѣвливыми, надъ обьястными <sup>3)</sup>, надъ

<sup>1)</sup> Антифонъ 1-й 8-го гласа.

<sup>2)</sup> Акаѳ. Пресвятой Богородицѣ, икосъ 2-й.

<sup>3)</sup> Надъ пресыщающимися чревоугодниками.

пїаницами и прочіими? — Имать воистину, пишеться во Апостолѣ: *творяй грѣхъ отъ діавола есть* (1 Іоан. 3, 8); обаче паче инѣхъ власть свою во блудницѣхъ распространяетъ, ибо [онѣ] суть свойственны еговымъ жилищемъ <sup>1)</sup>. Изгоняше иногда Господь бѣсы отъ бѣснаго, ихъ же бѣше легіонъ, и се молятъ Его, да не повелитъ имъ ити во бездну, но во свинія, пасомыя при водахъ, и повелѣ имъ Господь. Они же изшедше внидоша во свинія, яко въ свой домъ свойственный <sup>2)</sup> (Лук. 8, 33). Двое <sup>3)</sup> здѣ, два учителя заходныи <sup>4)</sup> усматриваютъ, Августинъ со Петромъ Хризологомъ, — первое: почто бѣсы, горды суще, не просятъ внити во великія и славныя кія звѣри: во львы, рыси, слоны, елени и прочая, но въ безчестныя свинія? Второе: почто Господь не отрече имъ, но скоро повелѣ, понеже первѣе ни единого ихъ прошенія послушати хотѣше: просиша, *да каменіе хлѣбы будутъ*, (Мѡ. 4, 3) да вержетъ себе низу со крила церковнаго (Мѡ. 4, 5), — Онъ же никакоже ихъ послуша; во свинія же внити безъ отреченія попускаетъ. И отвѣщаютъ на се: всяка, рече, вещь подобныя себѣ ищетъ; бѣсы суть нечисты, — тако Господь наричетъ бѣса изгоняя: *душе нечистый, изыди отъ чловѣка* (Мр. 5, 8); — нечисты же суть и свинія, въ блатѣ валяются, ихъ же и мясъ ясти, яко нечистыхъ, неповелѣвашеся во Ветсѣмъ Завѣтѣ, и того ради бѣсы во свинія, нечистиіи во нечистыхъ внити просятъ, яко подобніи подобныхъ любятъ. Тако Хризологъ: зри, рече, гдѣ бѣсъ хочетъ жити: въ нечистыхъ животныхъ и мерзкихъ, и онъ бо нечистоту любитъ. На второе же отвѣщаетъ Августинъ Блаженный: того ради повелѣ Христосъ внити бѣсомъ въ оны свинія, да покажетъ, что они въ тѣхъ живутъ, иже во мерзостехъ, яко же свинія въ блатѣ валяются. И кія то суть, иже яко свинія во блатѣ во мерзостехъ живущіи? Воистину сіи, иже нечистотѣ тѣлесной служатъ; тако повѣствуетъ святыи Хризостомъ: «и что зло не содѣлаетъ плотская

<sup>1)</sup> Служать по преимуществу ему жилищемъ.

<sup>2)</sup> Собственный.

<sup>3)</sup> Два обожотельства.

<sup>4)</sup> Западные.

сласть? Отъ челоуѣка свинію творить!» <sup>1)</sup> И прилагаетъ онъ учитель, что въ таковомъ, якоже въ дому своемъ діаволъ пребываетъ, таковъ, рече, челоуѣкъ ничимъ же разнствуеъ отъ бѣснаго: сице есть безстуденъ, сице яръ, сице злобенъ, яко же бѣсный. Гдѣ нечистота, тамо и бѣсъ. Повѣсть чтахъ у Проспера, иже живяше во время Августина Блаженнаго, что въ Кароагенѣ быше нѣкая дѣва отъ Аравіи, иноческая одѣянія носящи. Сей случися видѣти образъ языческія богини Венеры, зѣло безстуднѣ изображенный, [и] отсюду пріять скверную мысль въ сердце. Да якоже въ ней на долзѣ улаждашеся, распаляшеся похотію и соизволяше мыслию и бысть бѣсу жилище: вниде бо въ ню духъ нечистъ и мучаше ю. Зри, како замышленная точію нечистота уже бываетъ вертепомъ разбойникови діаволу. То <sup>2)</sup> что [же] речемъ о исполненной дѣломъ? Убоимся убо, братіе, сія слышаще. Хранѣмся нечистоты, да не таяжде постраждемъ; *очистимъ себе отъ всякія скверны плоти и духа творяще святыню въ страхъ Божіи* (2 Кор. 7, 1), — поревнуимъ тѣмъ, иже и смертію пострадаша цѣломудрія ради!

### Бесѣда X. <sup>3)</sup>

*Радуйся, мучителя безчеловѣчнаго измѣтающая отъ начальства!*

Агаѳ. Икоуѣ 5-й.

*Не вѣста, коего духа еста вы*, (Лук. 9, 55) речеся иногда нѣциимъ ученикомъ Христовымъ. Егда бы кто восхотѣлъ присмотрѣтися различнымъ духовомъ различныхъ людей нынѣшнихъ временъ: духу гордыни, духу неправды, духу лукавства, духу вражды, духу рвенія, духу ярости, духу ненависти, [то] что бы рекъ? Точію се: *не вѣста*,

<sup>1)</sup> Бесѣда 19-я къ Антиох. народу.

<sup>2)</sup> А если такъ, то...

<sup>3)</sup> Положена послѣ описанія чудеснаго исцѣленія нѣкоего бѣсноватаго Даміана, изъ города Минска, который потомъ и остался служить своей цѣлительницѣ въ монастырѣ Ильинскомъ.

*коею духа еста!* Кождо бо своимъ духомъ дышетъ, а не якоже прежде вси единымъ дышаху, живуще въ любви единомушнии, единомудренни; нынѣ же *другъ друга раздражающе, другъ другу завидяще* (Гал. 5, 26); суть многодушни, о души своей сице другій небрежетъ, аки бы не едину, но многія имѣлъ души: погубльши едину, имать про запасъ другую и десятую, — сицевыхъ достоинъ нареши бездушными, не хранять бо души своя во живсть вѣчный, имуще въ сердци своемъ много духовъ злобныхъ собранныхъ, яко событися глаголу Давидову: *сердце его собра беззаконіе себѣ* (Пс. 40, 7). Но кто отъ насъ сія беззаконныя отженеть духи? Та на Ню же Духъ Святый найде и сила Вышняго осѣни, — аще точію духомъ сокрушеннымъ и смиреннымъ къ Ней прибѣгнемъ. Мучаше иногда Саула бѣсъ; Духъ Господень отступи отъ Саула и даляше и духъ лукавый, и [тогда] что творять отроцы его? Ищутъ Давида со гуслями; и бысть, егда быти духу нечисту во Саулѣ, приимъ Давидъ рукама своими гусли и пояше и, <sup>1)</sup> и отдохнувъ Саулѣ, и благо ему бысть, и отступи отъ него духъ нечистый (1 Цар. 15, 23). Откуда гуслемъ симъ сицевая сила, яко возмогоша единѣмъ подвиженіемъ струнъ отгнати отъ человѣка духа лукаваго, его же едва кто прилѣжною молитвою и великимъ постомъ, несумпѣнною же вѣрою изгнати можетъ? Отсюду, яко прознаменоваше Дѣву Богородицу, тако бо Ей чтеть церковь: *радуйся, Богоотца Давида составная Цѣлнице Духа Святаго!* <sup>2)</sup> И то прогоняше духа лукава, яко въ тыхъ гуслехъ баше прописаніе Матере Господни, Ея же молитвы, аки струны, егда возгласять предъ Богомъ, абіе вси дуси лукавіи пробѣгають, аки прахъ, вѣтромъ возметаемый. Къ Сей убо воззовемъ молящися, да проженеть отъ насъ духи лукавыхъ и да умолитъ Бога, *Духъ правъ обновити во утробѣ нашей* (Пс. 50, 12). — Молитвеннице теплая! не прейтай молящися о рабѣхъ Твоихъ!

---

<sup>1)</sup> На нихъ.

<sup>2)</sup> Акаѳ. на Успеніе Богоматери, икосъ 5-й.



## Правоученіе X.

Не точію предъ Сауломъ, но и предъ Богомъ Давидъ пояше въ гусли, глаголетъ бо: пою Тебѣ въ гуслехъ, Святый Израилевъ (Пс. 70, 22)! Пояше предъ Сауломъ, да отженеть злаго духа. Пояше предъ Богомъ, да привлечеть Благаго Духа: *уста моя, рече, отверзохъ и при-влекохъ Духъ* (Пс. 118, 131); *Духъ же Благій, наставляющъ на землю праву* (Пс. 142, 10). Но въ кія гусли пояше Давидъ предъ Богомъ? Чаю <sup>1)</sup> болѣе, неже во вещественныя: пояше Давидъ въ гусли мысленныя, си есть, во Божія оправданія, сохраняя ихъ: *оправданія Твоя сохраняю, не остави мене до зѣла* (Пс. 118, 8); Божія бо заповѣди *во правду гуслями нарецися* могутъ. Ибо яко же во гуслехъ, аще едина струна не будетъ настроена, вся гусли несогласну издадутъ пѣснь, тако во заповѣдехъ Божіихъ: аще едина не исполнится, то вся ни вочто же: *аще кто во единомъ согрѣшитъ* глаголетъ Іаковъ, *бысть всѣмъ повиненъ* (Іак. 2, 10). Егда убо и мы хотимъ отгнати отъ себе злобныя духи, привлещи же Благаго Духа, примѣмъ гусли—Божія заповѣди, и тыя сохранямъ вся, аще бо не вся сохранимъ, то не будетъ пріятна пѣснь наша Богу. Давидъ глаголетъ, *яко благо есть исповѣдаться Господеву и пѣти имени Его въ десятиструнный псалтири съ пѣснію въ гусльхъ* (Пс. 91, 1. 4). Черезъ десятиструнную псалтирь учителя разумѣютъ десятирицу Божіихъ приказаній <sup>2)</sup>. Егда кто во вся сія струны воспоеть, сего благо есть исповѣданіе. Поминаетъ Господь во Евангеліи жену, погубльшую отъ десяти едину драхму, како со прилѣжаніемъ ея ищетъ; *всѣмъ свѣтъ ищетъ храмину и ищетъ прилѣжно, дондеже обрящетъ; обрѣвши же, созываетъ дружки и сосѣды, глаголющи: сорадуйтемя, яко бо-*

<sup>1)</sup> Думаю, что...

<sup>2)</sup> Заповѣдей.

*рѣтохъ драхму погибшую* (Лук. 15, 8. 9)! И что се есть <sup>1)</sup>, яко сице радуется о обрѣтеніи десятиа драхмы? Не безъ труда, чаю, стяжа себѣ драхму первую, и другую, и третію и прочія, но ни о единой сице радуется; егда же обрѣте уже десятую, тогда созываетъ другини и со-сѣды сорадоватися ей. Григорій Святый учить, что десятая драхма зна-менуетъ десятую Божію заповѣдь; не радовашеся убо жена, обрѣтши первую и вторую и третію драхму, но возрадовася о десятѣй, показуя, яко не имать чесо радоватися челоувѣкъ, сохранивъ Господню заповѣдь едину и другую; но тогда по истинѣ возрадуется, егда и десятую со-вершитъ, аще повелѣнія Господня дѣломъ исполнитъ: *тогда, рече, <sup>2)</sup> не постыжуся, егда призрю на вся заповѣди Твоя* (Пс. 118, 6). За преступленіе же и малыя заповѣди казнить Богъ не точію злаго, но и добраго, — не въ будущемъ ли <sup>3)</sup>, то въ нынѣшнемъ вѣцѣ; яко же бо у Него и мала добродѣтель безъ воздаянія, тако и малое прегрѣ-шеніе безъ казни не бываетъ <sup>4)</sup>. Праведенъ Судія и комуждо воздастъ по дѣломъ его.

## Бесѣда XI. <sup>5)</sup>

*Ты вѣрнымъ Спасительница Богородице  
и слѣпымъ Наставница и падающимъ ис-  
правление.*

Дамаскинъ въ Октоихѣ, гл. 1-й, на повечеріи пѣс. 8-я.

Всякъ хотяй злое свое исправить житіе, зоветъ съ Давидомъ: *о да-бы исправилися быша путіе мои, сохранили оправданія Твоя* (Пс.

<sup>1)</sup> И что это значить, что...

<sup>2)</sup> Давидъ.

<sup>3)</sup> Если не въ будущемъ...

<sup>4)</sup> Св. Димитрій, въ подтвержденіе сей истины приводитъ повѣствованіе Св. Аванасія объ одномъ старцѣ, который, за малое нѣкое прегрѣшеніе былъ умерщвленъ гіеною, тогда какъ богачъ, всю жизнь въ безопасности и роскоши иждившій, былъ удостоенъ почетнаго погребенія за нѣкое малое доброе дѣло,—о чемъ и было открыто чрезъ Ангела скорбяще-му и смущенному симъ ученику онаго старца.

<sup>5)</sup> Положена послѣ описанія чудеснаго исцѣленія бѣсноватаго Клина, который былъ при-вязанъ къ столпу въ пещерѣ Преподобнаго Антонія, что въ Черниговѣ.

118, 5)! — Но кто я исправить? *Отъ Господа стопы чловѣку исправятся* (Пс. 36, 23), безъ Него же не можемъ творити ни чегоже (Іоан. 15, 5). Убо да исправить Господь стопы наша, помолѣмъ Богородицу ходатайствовати о насъ, Та бо молитвами Своими многимъ отъ Бога испрошуеть исправленіе. О благоразумнѣмъ разбойницѣмъ различнѣмъ различнѣмъ гадательствуютъ, чимъ спасесе? Інїи глаголють: вѣрою, яко же выше, во нравоученїи третьемъ рекохомъ; <sup>1)</sup> друзїи глаголють: покаяніемъ, яко Дамаскинъ пишетъ: *разбойниче покаяніе рай отверзе;* <sup>2)</sup> инїи спасенїя его вину сокрушенному въ молитвѣмъ сердцу приписують, — что совершеннымъ о грѣсѣхъ жалею <sup>3)</sup> помолвися, рекъ: *помяни мя, Господи* (Лук. 23, 42), *сердца*, рече, *сокрушенна и смиренна Богъ не уничижитъ* (Пс. 50, 19). Інїи исповѣданїе его глаголють быти виновно спасенїю, — что исповѣдашесе, глаголя: *мы убо праведно по долгому нашимъ воспрїемлева* (Лук. 23, 41), — и за се исповѣданїе спасесе: *исповѣмъ*, рече, *на мя беззаконїя моя Господеви, и Ты отпустилъ еси нечестїе сердца моего* (Пс. 31, 5). Обаче азъ вопрошаю: откуда прїиде сему разбойнику сице скорое исправленїе, яко и вѣрова, и покаяся, и сердцемъ сокрушеннымъ помолися, и исповѣдася? Почто сего исправленїя не бѣ въ немъ, егда на смерть судяшесе, <sup>4)</sup> егда во слѣдъ Хріста на распятїе ведяшесе, егда на крестъ привязовашесе, но егда со крестомъ отъ земли вознесенъ, ста по единой странѣ Креста Хрістова? — Обрѣтаю у нѣкихъ мудрецовъ глаголющихъ, что между Крестомъ Хрістовымъ, и крестомъ разбойническимъ стояше въ то время Мати Іисусова Пресвятая Дѣва Марїя. Се, имаша вину внезапнаго преложенїя и исправленїя разбойнича, Матерь Господню! Та то, <sup>5)</sup> стоящи между Господемъ и грѣшникомъ, тайно исходатаи у Господа дѣйственную грѣшникови ко исправленїю благодать! Егда стояше Мати

<sup>1)</sup> См. выше стр. 10.

<sup>2)</sup> Упакон 1-го гласа.

<sup>3)</sup> Сожалѣніемъ, сокрушенїемъ.

<sup>4)</sup> Осуждашесе.

<sup>5)</sup> Сїя-то.

при Крестѣ, тогда ко Хрісту ѡбратися разбойникъ, иже не обращашеся прежде, дондеже не ста между ними Марія! И что дивно, яко Ею исправляются человѣци въ новой благодати, егда во ветсѣмъ завѣтѣ, еще сѣнію и прописаніемъ Ея тожде бѣше? — Развращающагося Израиля хотя Богъ исправить, даде законъ на скрижалехъ. Почто убо не на хартіи, или на кожахъ, но на скрижалехъ изволи Богъ написати Своя велѣнія? Того ради, яко да пропишетъ Дѣву Марію, и покажетъ, что Ею хочетъ спасти и исправить міра, яко же поется въ догматѣ <sup>1)</sup>: *и спасе Богородицею міръ Христосъ имѣяй велию милость.* <sup>2)</sup> Скрижали бо прознаменоваша Матерь Божію, на Ней же Самъ Законодавецъ написатися [изволи]; сице [бо] Ю именуеть Церковь: *законъ новаго Ковчего нарицаемъ Тя и Богоначертанную Скрижаль, въ Ней же Слово написася Божіе.* <sup>3)</sup> Такожде и Святый Ефремъ Ея нарицаеть: «Скрижаль, вписанный законъ человѣкомъ Приносящая». И Сія - то Новая Скрижаль Израилеви исправленіе во ветсѣхъ приношаше скрижалехъ сѣновнѣ, нынѣ же во благодати новой самою вещью исправляетъ падшихъ, егда отъ страстей свободждаетъ, отъ заблужденія отвращаетъ, отъ грѣховъ молитвами очищаетъ, отъ бѣдъ избавляетъ, отъ бѣсовскихъ навѣтовъ защищаетъ, и тѣхъ, иже бяху отчаяли <sup>4)</sup> своего спасенія, на стезю спасенную наставляеть и благонадежными творить. Что <sup>5)</sup> исповѣдуетъ Дамаскинъ Святый: *Рождши Бога и Спаса всяческихъ Маріе, бысть Ты отчаяннымъ исправленіе, грѣшникомъ обновленіе и ненадежнымъ Надежда.*



<sup>1)</sup> Въ догматикѣ.

<sup>2)</sup> Гласа 4-го догматикѣ по древнему чтенію.


<sup>3)</sup> Миней мѣсяцъ Іуній, 20 дня, пѣснь 9-я.

<sup>4)</sup> Отчаялись въ...

<sup>5)</sup> И сіе то.

## Нравоученіе ХІ.

Исправити Господь человѣка хотя, многія на него наводитъ казни. Между инѣми не меньшая казнь, егда кому попуститъ мученну быти отъ діавола, яко реченному Климу. Се же вѣдати требѣ, что діаволъ надъ человѣкомъ не имать власти ни единая, дондеже не дано ему будетъ свыше. Егда ему повелитъ Богъ, тогда онъ пріемлетъ власть и мучить. О Іовѣ пишется, что отъ Господа преданъ діаволу страждаше: *рече Господь діаволу: се, предаю ти его, токмо душу его соблюди* (Іов. 2, 6). Предаетъ же Господь человѣка на сицевое мученіе двоихъ ради винъ: или искушающе, яко же онаго Іова Праведнаго, да большій вѣнецъ за терпѣніе пріиметъ, или за грѣхи казняще и ко исправленію приводяще. Тако казненъ быше той, его же Апостолъ поминаетъ: *предати таковаго сатанѣ во изможденіе плоти, да духъ спасется* (1 Кор. 5, 5). Кто бо на тѣлѣ казненъ бываетъ, сей на души поправу <sup>1)</sup> и здравіе пріемлетъ. Искусь сего имѣяше <sup>2)</sup> Павелъ, глаголяй: *егда немоществую, тогда силенъ есмь* (2 Кор. 12, 10); и того ради у Святаго Іоанна Лѣствичника описанніи темничники моляху Бога, да попуститъ діаволу мучити ихъ тѣлеса: овы убо бѣсны быти моляхуся, хотяще симъ плоти своея мученіемъ пріити во исправленіе и спасеніе души своея. <sup>3)</sup> *Господи! наказаніе Твое—то мя научитъ* (Пс. 17; 36)! *Точію не яростію Твоею обличи мене, ни гнѣвомъ Твоимъ накажи мене* (Пс. 6, 2)!



---

<sup>1)</sup> Исправленіе.

<sup>2)</sup> Сіе на опытѣ позналъ.

<sup>3)</sup> Лѣствица, сл. 5-е, о покаяніи, гл. 25.

## Бесѣда XII. <sup>1)</sup>

*Радуйся, Ею же врази ниспадають!  
Акаѳ. Богоматери, Икосъ 12-й.*

Ратустъ ны врагъ всѣми силами своими, подвиже вся легионы, обыде насъ всѣми коварствы, яко жалѣтися намъ: *обыде насъ послѣдняя бездна*, <sup>2)</sup> *обыдоша насъ пси мнози, сонмъ лукавыхъ одержаше насъ* (Пс. 21, 17), и что сотворимъ? Сами одолѣти имъ не возможемъ: требѣ Господа во помощь. Во подобной брани нѣкто Симъ <sup>3)</sup> побѣдилъ [яко же и] глаголетъ: *еще не Господь былъ бы въ насъ, ни единъ же противу* <sup>4)</sup> *насъ возмоглъ бы вражіей брани одолѣти* <sup>5)</sup>! Но мы Господа прогнѣвахомъ зѣло, и откуда помощь стяжемъ? Сотворимъ совѣтъ, соберѣмъ полкъ молитвенниковъ, иже возмогутъ и Господа о насъ умолити, и полки вражія ратовати! Призовѣмъ Ангелы, соберемъ Пророки и Апостолы, употребѣмъ мучениковъ, Дѣвственниковъ, совокупѣмъ Преподобныя, Праведныя и вся Святыя, да тыя ополчатся окрестъ насъ!—Обаче симъ всѣмъ воемъ требѣ Воеводы: кто бо гдѣ видѣ полкъ безъ вожда ратующъ? Ни сему воинству прислушаетъ <sup>6)</sup> безъ начальствующаго быти. Но кто посредѣ таковыхъ воинскихъ соборовъ достоинъ быти вождемъ? Ни кто же инъ, точію Пресвятая Дѣва Марія. Сію умолѣмъ, да по средѣ полка молитвенниковъ нашихъ изволитъ Воеводою быти! Та бо достойна начальствовати всѣми, Ангеловъ Вышшая, Пророковъ Честивѣйшая, Апостоловъ Большая, Мучениковъ [и] Дѣвст-

<sup>1)</sup> Положена послѣ описанія чудеснаго исцѣленія предъ чудотворною иконою Богоматери, что въ Ильинскомъ Черниговскомъ монастырѣ, нѣкоего Пархома отъ бѣснованія.

<sup>2)</sup> Дамаскинъ въ Октоихѣ Недѣля гл. 1-го, пѣснь 6, ирмосъ.

<sup>3)</sup> Господомъ.

<sup>4)</sup> Отъ...

<sup>5)</sup> Дамаскинъ въ Октоихѣ гл. 6-й, антифонъ 2-й.

<sup>6)</sup> Прилично.

венниковъ Достойнѣйшая, Преподобныхъ [и] Праведныхъ и всѣхъ Святыхъ Святѣйшая. Та убо да предъидеть во полцѣ, и падуть вси врази наши подъ ногама! Во Ветсѣмъ Завѣтѣ на бранехъ ношашеся предъ полкомъ Ковчегъ Завѣта Господня, и падаху супостаты побѣжденніи; сице пишется въ Числахъ: *Ковчегъ Завѣта Божія предъ идяше предъ ними; и бысть, егда воздвизаху Ковчегъ, рече Моисей: востани, Господи! Да разсыплются врази Твои, и вси ненавидящій Тебѣ да побѣдять отъ Лица Твоего* (Числ. 10, 33. 34)! Мы имамы Ковчегъ — Пресвятую Дѣву, Ей же чтемъ: *радуйся, Ковчеже, Позлащенный Духомъ!* <sup>1)</sup> Сію предпускаяще, побѣжденныхъ узримъ нашихъ супостатовъ, Тою бо *воздвигутся побѣды.* <sup>2)</sup> Та и Бога намъ милостива сотворить, и сопротивъ гонящихъ насъ станетъ, — точію теплѣ воззовемъ къ Ней: *О Пресвѣтлый Облаче, Мати Божія! насъ побѣждающихъ побѣди.* <sup>3)</sup>

## Правоученіе XII.

Горе нерадѣнію нашему! Мы лѣнны, врагъ же нашъ бодръ есть, промышляя о поглощеніи нашемъ; мы ямы и піемъ, а врагъ зубы своими на ны скрежещетъ; мы празднословимъ, а врагъ на ны плететь своя сѣти. Вопіеть Апостолъ: *трезвитесь, бодрствуйте, зане супостатъ вашъ діаволъ яко левъ рыкая ходитъ, искій кого поглотити* (1 Петр. 5, 8)! Трезвитися и бодрствовать требъ, да не діаволомъ поглощены будемъ: аще лѣнны есмы, то уже поглотилъ есть насъ врагъ; аще же трезвимся бодрствующе, то ратуетъ ны, поглотити хотя, но не можетъ, Богу намъ помогающе. Нѣкто отъ отецъ пустынныхъ бодръ воста на молитву въ полунощи, и се, слышитъ гласъ трубы, аки ко брани. [И] рече въ себѣ: «откуда во пустыни воя и брань?» Явился же ему бѣсъ и рече: «ей, брань, яко на молитвѣ стоиши, ляжи

<sup>1)</sup> Акаѣистъ Богоматери, икосъ 12-й.

<sup>2)</sup> Тамъ же.

<sup>3)</sup> Параклисъ Пресвятыя Богородицы.

и спи, хоче ли, <sup>1)</sup> да не боремся съ тобою. Мы бо съ тѣми боремся. иже вооружаются на ны доброю молитвою; со лѣнивыми же не боремся.» Слыши, что глаголетъ злокозненная сила: «со лѣнивыми, рече, не боремся»; — почто? уже бо лѣнивый побѣжденъ падесе, и лежить врагомъ помираемъ. Трезвимся убо, и бодрствуемъ!

### Бесѣда XIII <sup>2)</sup>.

*Око бѣхъ слѣпымъ [глаголетъ Іовъ]. Іовъ.  
29, 15.*

Не тако Іовъ, яко же Марія есть слѣпымъ око: не точію бо ослѣпленныхъ телѣсными очима, но и дуневнѣ слѣпотствующихъ руководствуетъ. Внимай истиннѣ: Духъ Святый во Пѣсняхъ утреннею звѣздою нарицаеть Ю, глаголя: *кто Сія Восходящая яко утро* (Пѣсн. Пѣсн. 6, 9)? И почто Пречистую Дѣву Утромъ именова? Того ради, да покажетъ, яко Она есть слѣпымъ прозрѣніе, тьмы отгнаніе, нощи просвѣщеніе. Нощь бо темную, иже всѣхъ аки ослѣпляетъ, заключаая очисномъ глубокимъ — человѣгомъ и скотомъ, звѣремъ же и птицамъ, — кто отгонитъ и просвѣщаетъ? Звѣзда утренняя. Сія, возсіявши, день приводитъ, отъ сна будить, всякому очи отверзаетъ, да *изыдетъ на дѣло свое и на дѣланіе свое до вечера* (Пс. 103, 23). Нощь мысленную, глаголю — незнаніе Бога, еже ослѣпило бяше едва не всего міра — кто отгна и день познанія возсія? Пречистая Дѣва, Ей же чтеть Церковь: *радуйся Заре Тайнаго Дне!* <sup>3)</sup> И паки: *Тобою Сына Божія познахомъ.* <sup>4)</sup> Вѣсть Та невѣжи къ познанію истинны наставляти: Та Святаго Григорія Нисскаго научи православію; егда бо начася ересь

<sup>1)</sup> Аще хочещи.

<sup>2)</sup> Положена послѣ описанія чудсенаго исцѣленія отъ слѣпоты дѣвицы Маріи, дочери Леонтія Полуботки, предъ Чудотворною Иконою Богоматери, что въ Ильинскомъ монастырѣ.

<sup>3)</sup> Икосъ 5-й Акаѣиста Пресвятѣй Богородицѣ.

<sup>4)</sup> Молитва 2-я по Акаѣистѣ ко Пресвятѣй Богородицѣ. См. Акаѣист. Кіев. изд.



Самосатенова, <sup>1)</sup> бывшу Святому Григорію въ недоумѣніи, и молящуся Пресвятѣй Богородицѣ, Та явился ему, научи и утверди его во истиннѣй, Православной Каѳолическѣй вѣрѣ. Вождаше иногда звѣзда восточная волхвы ко Хрісту Рождшуся во Вифлеемѣ: *видѣхомъ*, рече, *звѣзду Ею на востокъ и приидомъ поклонитися Ему* (Мѣ. 2, 2). Почто не Ангелъ, ни ина кая тварь ихъ вождаше; но звѣзда? Еще же восточная [а] не западная?—Мню, яко се быше Господи моея прописаніе, Яже воистинну есть звѣздою <sup>2)</sup> лучезарною, — восточною же, яко не вѣсть запада, всегда живетъ во свѣтѣ не приступнѣмъ: *Утро свѣтлейшее, радуйся Едина!* <sup>3)</sup> Сія звѣзда ведетъ ны ко Хрісту, егда отъ скверныхъ изимаетъ дѣлъ, егда пламене страстей измѣняетъ, егда цѣломудрію учить и на спасенную наставляетъ стезю. Сею звѣздою учимся кланятися Солнцу Праведному, еже исповѣдуетъ Церковь, глаголя: *Радуйся, Ею же покланяемся Творцу!* <sup>4)</sup> Тако ны просвѣщаетъ, тако очи душевныя къ познанію Бога отверзаетъ, тако тьму мрачную отгоняетъ! *Радуйся, тьму Разрушившая и мрачныя бѣсы отнюдѣ Отгнавшая!* <sup>5)</sup> О ней-то, чаю <sup>6)</sup>, глаголетъ Слово Божіе у Исаіи Пророка: *дахъ Тя во свѣтъ странамъ отверзти очи слѣпымъ и извести изъ дому темницы сѣдящія во тьмѣ* (Ис. 42, 6). О Пречистая Дѣво! *Свѣта Твоего зарями просвѣти мя, мракъ невидѣнія отгоняющи!* <sup>7)</sup>

<sup>1)</sup> Павла Самосатскаго.

<sup>2)</sup> Есть звѣзда.

<sup>3)</sup> Акаѳиста Пресвятѣй Дѣвѣ, канонъ, пѣснь 3-я.

<sup>4)</sup> Акаѳистъ, Игось 1-й.

<sup>5)</sup> Акаѳистъ, канонъ, пѣснь 3-я.

<sup>6)</sup> Думаю.

<sup>7)</sup> Канонъ молебный Богоматери, пѣснь 9-я.

### Правоученіе XIII.

Рѣша иногда Фарисее: *еда и мы слѣпы есмы? Рече же имъ Иисусъ: аще бысте слѣпы были, грѣха не бысте имѣли, нынѣ же глаголете, яко видимъ, — и грѣхъ вашъ пребываетъ* (Іоан. 9, 40. 41). Нѣсть окаинѣйшей слѣпоты сея — очи имѣти и не видѣти! Вѣдати, что есть воля Божія благая и угодная и совершенная (Рим. 12, 2) и не творити ю! Аще бо и всякому грѣшнику раны многи (Пс. 31, 10), обаче большія вѣдущему и не творящему: *рабъ, влѣдѣвый волю господина своего, и не уготовавый, ниже сотворивый по воли его, бѣенъ будетъ много* (Лук. 12, 47). Видимъ, — и — слѣпы есмы, въ разумѣ бо волею согрѣшаемъ, а грѣхъ слѣпота есть душѣ [яко же] глаголетъ Софонія Пророкъ: *пойдутъ, яко же слѣпыми, заже Господеву согрѣшиха*. (Соф. 1, 17). Объятъ древле тьма велика Египетъ дни три, яко ни кто же воста отъ одра своего, и ни кто же брата своего видѣти можаше (Исх. 10, 23). Непокаяннаго грѣшника аки въ три дни, въ три времена слѣпота и потемнѣніе души объемлетъ: во время временнаго житія его, егда не мощи ему зрѣти свѣта заповѣдій Господнихъ отъ умножившихся беззаконій: *постигоша мя, рече, беззаконія и не возмогохъ зрѣти* (Пс. 39, 13); во время смерти, егда темніи дуси его обыдутъ и не обрѣсти ему помощи, яко сбыватися глаголу псаломному: *смерть грѣшникомъ люта* (Пс. 33, 22); — и во время вѣчности безконечныя, идѣ же даже до вѣка не узритъ свѣта Хрістова: *нечестивіи не узрятъ славы Твоея, Хрісте Боже!* <sup>1)</sup> Отверзи убо нынѣ очи своя, о грѣшниче, да познаеши окаянное устроеніе твое, и не претыкайся отъ единого грѣха въ другій, яко же слѣпецъ! <sup>2)</sup> *Заповѣдь Господня свѣтла, просвѣщающая очи* (Пс. 18, 9): сію соблюди и прозриши Богу, Его же моли, глаголя: *посли свѣтъ Твой и истину Твою: та мя наставитъ и введетъ въ гору святую Твою, въ жилища Твоя* (Пс. 42, 3)!

<sup>1)</sup> Октоихъ, гл. 4-й, irmosъ 5-й пѣсни. Исаіи 26, 10.

<sup>2)</sup> Діонтра, часть 2, гл. 17.

## Бесѣда XIV <sup>1)</sup>.

*Тобою дастся радость, Богородице, во-  
пѣющимъ Ти: Благословенна Ты въ женахъ,  
Пренепорочная Владычице!*

Часы на Пасху (по старинному чтенію).

Въ мірѣ семъ отвержеся утѣшиться душа моя, понеже всяка радость міра сего печаль есть: нѣсть здѣ радости, яже не растворяется печалію, нѣсть утѣхи, яже не сопрягается со скорбію, нѣсть веселія, ему же не вслѣдствуетъ сѣтованіе, нѣсть смѣха, по немъ же не грядетъ плачь съ воздыханіемъ. Гдѣ убо истинныя, непремѣнныя и неотъемлемыя възвышю радости? Глаголють, яко въ Раи нѣсть болѣзни, ни печали, ни воздыханія: всегда *гласъ радости и спасенія въ селѣхъ* <sup>2)</sup> *праведныхъ* (Пс. 117, 15). Но азъ, нечистъ и скверенъ, како тамо вселюся, идѣ же не имать внити всяко скверно (Ап. 21, 27)? Идѣ же подобніи мнѣ грѣшницы изгонятся со студомъ: *внѣ пси, и чародѣе, и любодѣе, и убійцы, и идолослужителіе, и всякъ творяй и любяй лжу* (Ап. 22, 15)!—[Аще же тако есть], то камо пойду грѣшный, да утѣшеніе скорбной душѣ моей обрящу? Пойду ко Пресвятѣй Богородицѣ: Та есть Раемъ <sup>3)</sup> словеснымъ, всякою утѣхою и радостію изобилующимъ, къ нему же не точію Святимъ, но и грѣшнымъ свободный приходъ и невозбранный. Въ семъ Раи, глаголю, въ Маріи, обрящу утѣху, егда точію вѣрою возопію къ Ней съ поющими: *подаждь утѣшеніе своимъ рабамъ, Всенепорочная, утѣляющи люта на ны востанія, отъ всякія скорби*

---

<sup>1)</sup> Помѣщена послѣ описанія чудеснаго исцѣленія ока шестилѣтней дочери бургомистра Черниговскаго Павла Клевца, предъ Чудотворною иконою Богоматери, что въ Ильинскомъ Черниговскомъ монастырѣ.

<sup>2)</sup> Въ селеніихъ.

<sup>3)</sup> Рай...

*насъ измѣняючи! 1) Рай утѣшаетъ тѣхъ точію, иже отъ удолія плачевнаго на радостную жизнь преидоша: Марія же и въ удоли плачевномъ сущихъ (Пс. 83, 8), и плачущихъ бѣды своя 2) утѣшаетъ. О Раю Краснѣйшій! утѣшенія Твоя да возвеселятъ душу мою! 3)*

## Правоученіе XIV.

*Иже Тя любитъ, о Мати Благая! Сему готово мѣсто средѣ Рая.*

Вси въ рай внити хотимъ, но грѣси намъ возбраняють. И что сотворимъ? — Мой совѣтъ прибѣгнути къ Пресвятой Дѣвѣ Богородицѣ: Та есть Дверь райская, всѣмъ входъ отверзающая; тако [бо] ей чтеть Церковь: *Радуйся, райскихъ дверей отверженіе!* 1) Ни бо мощно инако внити кому въ Рай, аще не Богородицею. Слышите, что о Ней глаголетъ Блаженный Германъ, Патріархъ Цареградскій: «никтоже позна Бога, точію Тобою, о Пречистая! никто же приѣмлетъ спасеніе, токмо Тобою, о Богородице! никто же избываетъ коея бѣды, токмо Тобою о Богомати!» И Григорій Никоидійскій подобнѣ глаголетъ: «Тобою рай воистинну прияхомъ; Тобою рода людскаго изгнаніе къ своему возвратися отечеству; Тобою отъяты пламенное оружіе, стрегущее вратъ Едемскихъ; Тобою врата веселія и радости затворенныя отверзошася; Тобою надѣмся внити въ Небесное Царство; Ты спасенія нашего имамы Помощницу!» Убо держѣмся не отступивъ сихъ вратъ Райскихъ—Пречистой Дѣвы, и внидемъ Ею въ самый Рай, избывши всякая печали и болѣзни!...

1) Богородичень на маломъ освященіи воды, гл. 4-й

2) Оплакивающихъ бѣду свою.

3) Служба въ недѣлю сыропустную.

4) Акаѣистъ Пресвятой Богородицѣ, икосъ 4-й.

## Бесѣда XV <sup>1)</sup>.

*Едина болящимъ посѣщеніе, Едина падшимъ исправленіе, Владычице, Едина къ Богу Руководница и входъ.*

Октоихъ, гл. 1-й въ понед. на повеч. Пѣснь 9-я.

Болѣзни наша тѣлесныя и душевныя кто изочтетъ? Уврачевати же ихъ кто можетъ? *Одержаша насъ болѣзни смертныя, и потоцы беззаконія смятоша насъ* (Пс. 17, 5),—*кихъ* <sup>2)</sup> болѣзней ни оны премудріи врачевы: Аскліпій, Иннократъ и Галенъ уврачевати можаху. И отъ кого цѣльбы поищемъ? — Всяко речете: отъ Бога. Но *не имамы дерзновенія къ Нему за премногія грѣхи наша.* <sup>3)</sup> То <sup>4)</sup> отъ Матере Его Преподобнословенныя: много бо можетъ молитва Матерняя. И добръ: ибо Та дадеся Цѣлебница всему міру. Природный есть въ людехъ обычай, егда приѣмлетъ кто язву на тѣлѣ,—также, егда взболитъ глава или стомахъ, тамо скоро прилагаетъ руку; аки пѣкую болѣзни приѣмляй отраду; откуду и приповѣдуется: «гдѣ болить, тамъ рука». Не невѣмы, яко Ручкою Врачебница наша проименовася: *радуйся, Ручко ~~златая~~!* <sup>5)</sup> Къ Ней же и воіетъ Дамаскинъ: *лютыми напастьми томимъ, отъ враговъ стужаемъ, окаанный, плачемъ приглашаю: свѣиши мнѣ простири, Пребогатая, руку Твою!* <sup>6)</sup> Убо егда насъ объѣмлють лютыя недуги и болѣзненныя страсти, сію Ручку, глаголю—Пресвятую Дѣву

<sup>1)</sup> Помѣщена послѣ описанія чудеснаго исцѣленія предъ Чудотворною иконою Богоматери, что въ Ильинской обители пѣкойей жены, именемъ Анны отъ болѣзни *гостецъ*, погорою страдала два года. *Гостецъ* или *гостекъ*—лихорадка. См. Словарь В. Даля.

<sup>2)</sup> Каковыхъ...

<sup>3)</sup> Богородичень на 6 часть.

<sup>4)</sup> А если такъ, то поищемъ цѣльбы у...

<sup>5)</sup> Или *стамна*, т. е. сосудъ, въ которомъ хранилась манна, Святитель здѣсь держится буквального значенія слова *Ручка*.

<sup>6)</sup> Октоихъ гл. 1-й, въ субб. на повеч. канонъ Пѣснь 1-я.

прилаганимъ, паче же сами къ Ней прилагамся, вручаючи Ей въ Всесильніи рудѣ душу и тѣло наше. Рѣша древле Египтяне ко Іосифу (по Іеронимову преводу): здравіе наше въ руку твою, точію да призрѣть на ны господинъ нашъ (Быт, 47, 25). О Цѣлебнице Благосердая! востинну въ Твою руку наше здравіе! Ты — тѣла нашего врачеваніе, Ты души нашея спасеніе; Ты немощію низлежащихъ исцѣляеши: къ Твоему врачеству притекаемъ: точію призри на ны милостивнымъ си окомъ! *Отъ горняго возшествія нашу назирай худость! <sup>1)</sup>*

## Правоученіе XV.

Всякъ врачъ, хотяй тѣлесную кую болѣзнь уврачевати, вины ея взыскуетъ: отъ брашна ли, или питія, или отъ инаго коего случая прииде. Но Учители церковніи глаголють, яко всякія болѣзни виновенъ есть грѣхъ. Тако Святый Макарій Египетскій глаголетъ: «разслабленъ ли кто, или на коей части тѣла калѣка, или феброю <sup>2)</sup> и коею либо немощію страждетъ: вся сія отъ грѣха походятъ, онъ бо всего зла есть коренемъ». <sup>3)</sup> Святый же Каллистъ: «отъ начала міра грѣха ради немощь възыде въ Каиново тѣло: по братоубійствѣ разслабленъ бысть, и хождаше въздыхая и трясыйся на землѣ». <sup>4)</sup> И Іеронимъ Святый: «елико грѣховъ, толико болѣзней имамы» <sup>5)</sup>. Хощемъ ли убо тѣлесныхъ болѣзней избыти? Первѣе вину ихъ, си есть грѣхъ, уврачуймо покаяніемъ. Ибо и Христосъ Господь, Добрый Врачъ, хотя уврачевати разслабленнаго тѣломъ, первѣе, разслабу души его, си есть грѣхи, цѣлитъ глаголя: чадо! *отпускаются грѣси твои*, — и потомъ [уже]: *востани, возми одръ твой, и иди въ домъ твой* (Мѡ. 9, 2. 6)!

<sup>1)</sup> Акаѳистъ Успенія Богоматери, гдѣсь 8-я.

<sup>2)</sup> Лихорадкою.

<sup>3)</sup> Бесѣда 4-я Препод. Макарія Египетскаго.

<sup>4)</sup> Бесѣда въ недѣлю ѿ и по Св. Духъ.

<sup>5)</sup> Толков. Блаж. Іеронима на ис. 16.

## Бесѣда XVI <sup>1)</sup>.

*На Мя упова и избавлю и, покрюю его,  
яко позна Имя Моё.*

Пс. 90, 14.

Кромѣ <sup>2)</sup> Богородичина покрова и заступленія, кто доволенъ цѣль сохраненъ быти отъ врага, купно же и челоуѣкоубійцы? <sup>3)</sup> Гоняше древле Фараонъ Израиля, и аще не бы Господь простерлъ облакъ въ покровъ Израилеви, убо жива пожерлъ бы его: столпъ облачный ста создади по средѣ полка Египетска и посредѣ полка сыновъ Израилевыхъ (Исх. 14, 20). Гонятъ и насъ врази наши видимыи и невидимыи, аще не бы намъ Вышній подалъ въ защищеніе Матерь Свою Дѣву Богородицу, то уже бы давно погибли быхомъ за беззаконія наша: но Та крываетъ ны яко же кокошь птенцы своя, есть бо покровомъ міру ширшимъ облака <sup>4)</sup> Бѣжашу Иліи отъ гнѣва Езавелина, бысть *мало* Господень ко Иліи: иди отсюду на востокъ и скрыйся въ потоць Хорава прямо лицу Іорданову (3 Цар. 17, 3). Почто не иное мѣсто ему показуется къ сокровенію отъ Езавели, но лице Іорданово? Іорданъ, по свидѣтельству Іеронимову прознаменоваше Дѣву Марію: яко же бо сквозѣ Іордана, Кіотъ Божій преиде по суху: тако утробу Дѣвическу пройде Слово Отчее Единородное безъ истлѣвія; — и се тайна почто Пророкъ прямо лицу Іорданову укрывается отъ гонящей его враждебницы: яко сѣновное прописаніе Маріино въ Іордани бяше. И нынѣ егда кто гонимый врагомъ сокрыется прямо Лицу Мысленнаго сего Іор-

---

<sup>1)</sup> Положена послѣ описанія чудеснаго исцѣленія бѣсноватаго Стефана предъ чудотворною иконою Богоматери, что въ Ильинскомъ монастырѣ.

<sup>2)</sup> Безъ.....

<sup>3)</sup> Антифонъ 6-го гласа.

<sup>4)</sup> Акаѣистъ, икосъ 6-й.

дана, глаголю, Пречистыя Дѣвы, не мощно будетъ коему злу постигнути его, смятряющу нань Лицу Маріину.

О коль блаженъ крыяйся всегда подъ кровомъ Твоимъ, Заступнице! Не придетъ бо къ нему зло и рана не приблизится тѣлеси его (Пс. 90, 10)!

## Нравоученіе XVI.

Слава Богу, и по Бозѣ Богородицѣ, Избавляющей человѣкъ отъ мучительства бѣсовскаго. Но блюдися, человѣче, да не будутъ послѣднія горша первыхъ: возвращается діаволъ, поемля съ собою *седмь инѣхъ духовъ, лютѣишихъ себе* (Мѡ. 12, 45): се есть, седмь грѣховъ смертныхъ: духа гордости, духа сребролюбія, духа нечистоты, духа зависти, духа чревобѣсія, духа гнѣва, духа лѣности, — яже человѣка не покаянна лютѣе бѣса умучать, не временнѣ, но вѣчнѣ: ввергнуть его сіи дуси во огонь негасимый и червь неусыпающій. Убо да не внидутъ въ тя сіи, буди мѣсто безводно, идѣже бы не обрѣлъ вмѣстилища себѣ лютый духъ, *проходитъ* бо онъ *сквозь безводная мѣста ища покоя, и не обрѣтаетъ* (Мѡ. 12, 43). И что есть безводно? Святый Григорій разумѣетъ сердца праведныхъ, иже умерщвленіемъ плоти страсти плотскія иссушаютъ. <sup>1)</sup> Не обрѣтаетъ же въ нихъ діаволъ покоя, праздны бо суть злыхъ дѣлъ, яже блатомъ именовахеся у Святаго Аѡанасія и Θεодорита, пишущихъ на сія псалмисты <sup>2)</sup> слова: *углубоу въ тмѣнѣи глубины*: (Пс. 68, 3) си есть, въ дѣлахъ злыхъ, яко же бо свинія въ калѣ тинномъ валятися хоцетъ, тако діаволъ блата грѣховъ нашихъ желаетъ. Но, да не обряцетъ проклятый въ насъ мѣста, иссушити требѣ грѣховное блато умерщвленіемъ, паче же страхомъ и любовію Божіею противитижеся ему имамы, да бѣжитъ отъ насъ. Како же противитися—послушаимъ Златоустаго: «како поратумеся со тьмою [глаголетъ онъ]?—Свѣтъ бывше. Како же съ духи злобы? Блази бывше. Благому бо противится злоба и свѣтъ отгоняетъ тьму.»

<sup>1)</sup> Григорія, сл. 11-е Нравств. гл. 3.

<sup>2)</sup> Псаломскія.



## Бесѣда XVII <sup>1)</sup>.

*Благодѣнія богатство всѣмъ источи,  
вся бо можешь, яко Сильнаго въ крѣпости  
Христа Рождшая.*

Канонъ Молебный, Пѣснь 3-я.

Кто когда подъ небесемъ обрящетъ Благодателя по Бозѣ лучшаго паче Владычицы нашей? Благаго Царя Благая Мати не престаесть благодѣя роду человѣческому. И не всуе Церковь Источникомъ Ю приснотекущимъ проименова: яко же бо источникъ непрестанно, не точію тогда, егда приходятъ почерпнати, но и никому же почерплющу <sup>2)</sup> источаетъ воды: тако и Дѣва чистая не оскудно благодѣтельствуесть всѣмъ: добрымъ и злымъ, праведнымъ и грѣшнымъ, прибѣгающимъ къ Ней и отвращающимся отъ Ней, яко Іакову жидовину, о немъ же Небо Новое <sup>3)</sup> [повѣствуетъ]: сего въ разбойники впадша, узязвлена и связана, Дѣва Богородица явившеся отрѣши и исцѣли, аще и не притекалъ къ Ней, паче же и отвращашеся отъ Ней.

Помяну здѣ древняго Іакова: сей въ пути спя, видитъ во снѣ лѣствицу отъ земли къ небеси, по ней же Ангели Божіи восхождаху и нисхождаху (Быт. 28, 12). Почто Ангели они ни едино время имуть покой, непрестанно восходятъ и нисходятъ? Лѣствица она бѣше образъ Богородичинъ: сиче [бо] воспѣвается: *радуйся, Мосте къ небесемъ преводяй и Лѣстнице высокая, Юже Іаковъ видѣ!* <sup>4)</sup> И того ради не имуть покоя на Ней Ангели, яко Богородица велитъ имъ непрестанно съ Собою благодѣтельствовати намъ: да восходище, приносятъ къ

---

<sup>1)</sup> Положена послѣ описанія чудеснаго исцѣленія нѣкоего гражданина Черниговскаго, Павла Домонтовича, предъ Чудотворною иконою Богоматери, что въ Ильинскомъ Черниговскомъ монастырѣ.

<sup>2)</sup> Когда и ни кто не почерпаетъ.....

<sup>3)</sup> Книга о чудесахъ Пресвятыя Богородицы, именуемая Новое Небо съ новыми звѣздами.

<sup>4)</sup> Стихира 1-я на Господи воззвахъ... при Акаѳистѣ Пресвятой Дѣвѣ Богородицѣ.

Богу молитвы наша, нисходяще же, да несутъ намъ отъ Бога Божіи милость и дарованія. Исаія, пророчествуя о Дѣвѣ Богородицѣ, Облакомъ Ю нарече: *се Господь сподитъ на Облацѣ легцѣ* (Ис. 19, 1). И почто сице Ю именова? Внимай вишѣ: никогда же обрящещи время, въ неже бы не узрѣлъ еси облака на воздухѣ, аще днѣю, аще нощю. Очѣ твоя тебѣ въ свидѣтельство представляю, яже ти покажутъ всегда обрѣтающійся горѣ облакъ, и не всуе: ибо или дождевныя воды въ себѣ носить, или отъ горячности лучъ солнечныхъ освѣняетъ и прохлаждаетъ, или, аще будетъ свѣтель, точю воздухъ украшаетъ, и увеселяетъ зрѣніе. Се тайна, почто облакомъ Благодѣтелю <sup>1)</sup> нашу Пророкъ нарече: не престаетъ бо отъ благодѣянія ни малое время, всегда или дождь благодати Божіи намъ носить, исцѣляя страсти и врачуя болѣзни душъ и тѣлесъ нашихъ, или отъ горячности праведнаго гнѣва, на ны подвижимаго освѣняетъ ны, и прохлаждаетъ своимъ заступленіемъ, или, украшая мысль нашу, духовнѣ увеселяетъ сердца. И кто Твоя благодѣянія исчеисти можетъ, о Всемилостивая!...

## Правоученіе XVII.

Благодѣяніе всякое требуетъ благодаренія. И намъ, приѣмшимъ неизреченная отъ Божіи Матере благодѣянія, достоитъ не неблагодарнымъ быти. *Благодарни бывайте*, рече Апостолъ (Кол. 3, 15); кто бо чего не благодаренъ, сего и недостоинъ. Но что принесемъ или что воздамы Дѣвѣ Богородицѣ о всѣхъ, яже сотвори намъ благая? Злато ли, или сребро, или каменіе честное? То Она, Госпожа наша сихъ благихъ нашихъ не требуетъ, все бо [еже] на земли честно, не достойно есть Ея. Убо самѣхъ себѣ Ей отдадѣмъ—и довольна будетъ. Насъ бо, а не яже суть наша, требуетъ, глаголя съ Богомъ въ Писаніи къ коему-ждо насъ: *сыне, даждь ми твое сердце* (Притч. 23, 26). Како же себе Ей отдамы? Не иначе, но очистившеся отъ всякія скверны плоти

---

<sup>1)</sup> Благодѣтельницу.

и духа. Ниже бо земніи господіе сквернавѣ даръ пріемлютъ: то колыми Господѣ Пренебеснѣй чистѣ даръ подобаетъ, — а нечистѣ како будетъ пріятенъ Ей, Пречистѣй Сущей? Тѣмъ же, да пріятны Владычицѣ нашей будемъ, очистившеся отъ сквернъ нашихъ, воздадѣмъ Ей душу и тѣло, умъ и сердце, во еже служити Онѣй въ преподобіи и правдѣ во вся дни живота нашего!

## Бесѣда XVIII <sup>1)</sup>).

*Не браните дѣтемъ приходити ко Мнѣ.*  
(Лук. 18, 16).

*Блюдыте, да не презрите единого отъ малыхъ сихъ*, рече Господь (Мѣ. 18, 10). Не презрѣ Мати Господня малаго сего Θεодора, <sup>2)</sup> но подаде ему скорое здравіе, — кого бо Та Милостивная Присѣтителка <sup>3)</sup> презираетъ? Никого же; но на всѣхъ благосердымъ своимъ окомъ призираетъ. Призираетъ Она на старыя: *Жезъ старости — Мати Бога Вышняго* <sup>4)</sup> — призираетъ на младыя: *радуйся, Добрая Младопитательница двамъ!* <sup>5)</sup> Призираетъ на праведныя: *радуйся, всѣхъ праведныхъ Божественное Удобрение!* <sup>6)</sup> — призираетъ на грѣшныя, грѣшныхъ молитвы пріемлющи. На весь міръ призираетъ: *радуйся всего міра очищение!* <sup>7)</sup> Не всеу солнечную взя на Ся одежду: яко же бо *солнце сіяетъ на блгѣ и злыя* (Мѣ. 5, 45), тако Пресвятая Дѣва, *Облеченная въ солнце* (Апок. 12, 1), не точію добрыхъ, но и злыхъ имать на пыльномъ Своемъ оку. <sup>8)</sup> Ищущу Ироду убити Рожденнаго въ Виѣ-

---

<sup>1)</sup> Положена послѣ описанія чудеснаго исцѣленія отъ лихорадки пятилѣтняго младенца Θεодора, сына Константія, жителя Черниговскаго. Это чудо совершилось въ 1676 году предъ Чудотворною Иконою Черниговской Ильинской Божіей Матери.

<sup>2)</sup> Указаніе на исцѣленнаго младенца.

<sup>3)</sup> Посѣтительница.

<sup>4)</sup> Канонъ Одигитріи, Господи воззвахъ.....

<sup>5)</sup> Акаѳистъ Богоматери, Икосъ 10-й.

<sup>6)</sup> Тамъ же, канонъ, пѣснь 9-я.

<sup>7)</sup> Тамъ же... икосъ 3-й.

<sup>8)</sup> Предъ промыслительнымъ (или попечительнымъ) взоромъ Своимъ.

леемъ Царя, Мати съ Отрочатемъ бѣжитъ во Египетъ (Мѡ. 3)—почто? Не можаше ли укрытися отъ Ирода Покрываяй и Храняй вселенную? Можаше. Но да Дѣва Богородица призритъ на злыя Египтяны, и призрѣніемъ Своимъ исправить я, и добры сотворить, сокрушивши ихъ идолы,—того ради емлется Египетска пути. Нынѣ, о Мати Царя Небеснаго.

Вѣмъ, почто съ Сыномъ Си въ Египетъ грядеши:

Да вся Египетскія идолы сотреши!

Египтомъ ми есть сердце, а идолы—страсти:

Здѣ призрѣвши, повели идоломъ низпасти!

Солнце, на высотѣ сіяя, и глубочайшія низины <sup>1)</sup> свѣтомъ своимъ просвѣщаетъ, отколь <sup>2)</sup> глаголетъ Давидъ: *нѣсть иже укрывается тѣлоты ея* (Пс. 18, 7). Дѣва Марія, аще и превыше всѣхъ небесъ предстоитъ одесную Бога, обаче и въ нижайшихъ удолахъ сущихъ зрить, и о тѣхъ промышляетъ, и нѣсть, иже не Тоя живетъ промышленіемъ и молитвами. Тако гдѣ Ней Августинъ Блаженный вѣщаетъ: «Ты Едина еси, иже въ небесѣхъ попеченіе о насъ имаши, и спасеніе намъ строя, отъ бѣдъ избавляеши».

О Всеблагая! не презри и мене грѣшнаго, но призри на мя и помилуй мя!...

## Нравоученіе XVIII.

Аще хотимъ, да Мати Божія съ Сыномъ Своимъ и Богомъ ни когда не отвратитъ отъ насъ свѣтлыхъ и милосердныхъ очесъ Своихъ: будѣмъ всегда малыми дѣтьми, не умомъ же, но злобою, си есть, незлобивы будѣмъ; а незлобивіи прилѣпляются Господеви. Незлобіе же раждается отъ смиренія: смирить ли себе кто поистинѣ, сей до конца не-

---

<sup>1)</sup> Юдоли, долины.

<sup>2)</sup> Посему и...

злотивъ. Кая тако добродѣтель, яко смиреніе, привлечь на ся милостивныи Господни очи? *На кою призрю*, глаголетъ Господь, *только на смиреннаю* (Ис. 66, 2). И Сама Владычица наша сею добродѣтелию очеса Вышняго на Ся обрати: *призри*, рече, *на смиреніе Рабы Своея* (Лук. 1, 48). Сею добродѣтелию и мы сотворѣмся малы, да угодни будемъ очесемъ Божиимъ. Вѣдати же требъ, яко три суть совершеннаго смиренія степени: первый—покаратися старѣйшинѣ, не превозносити жеся надъ равныхъ; второй степень—покаратися равнымъ, не превозносится надъ меньшихъ; третій степень — покаратися и меньшимъ себе и вмѣнятися ничтоже быти, яко единому отъ скотъ, недостойну сопребыванія человѣческаго. А иже себе тако умалить, сей велий предъ очима Господа своего будетъ, и узритъ славу Его. Тако [бо] глаголетъ Исаакъ Пресвитеръ: «ни вочтоже вмѣни себе самого, и узриши въ тебѣ самомъ славу Божию, идѣже бо раждается смиреніе, тамо слава Божія всіяетъ» <sup>1)</sup>.

## Бесѣда XIX <sup>2)</sup>.

*Та Мати всемъ живущимъ.*

Быт. 3. 20.

Приндѣте сѣмо всѣ сироты, иже не имате отца, ни матери, ни друзей: здѣ соберѣтесь! Се вамъ Мати Пречистая и Благословенная Дѣва, много лучша паче родившія вы! Рече иногда Создатель: *еще и Мати забудетъ чадѣ свое, Азъ тя не забуду* (Ис. 49, 15). О коль велико благоутробіе Божіе! Но и Пречистая Дѣва такожде можетъ реши: уподобися бо въ благоутробіи Благому Богу. Смотри како ону, вышереченную сироту Татіану <sup>3)</sup> матерски помилова: лютаго мучителя отъ нея от-

<sup>1)</sup> Возсіиваетъ.

<sup>2)</sup> Положена послѣ описанія чудеснаго исцѣленія предъ Чудотворной Ильинской Иконой Богоматери бѣсноватой сироты, которая была родомъ изъ Полтавы, именемъ Татіана; прислана Седневымъ жителемъ Кирилломъ Давидовымъ.

<sup>3)</sup> Указаніе на исцѣленну.

гна, и здравіе ей подаде. И кто безнадеженъ есть благоутробія Ея, видя Ю, толико милостивую и чадолубивую? Слышасте ли неясить ) растерзающую утробу свою чадъ ради? Се, видѣте <sup>1)</sup> въ Голубицѣ Райстѣй, въ Пречистой Богородици, пощадѣнна ли есть Утроба Ея Возлюбленная, глаголю — Сынъ Сладчайшій? Не растерзанъ ли есть лютьѣ страстьми? <sup>2)</sup> *Расхищаху Его вси мимоходящїи путемъ* (Пс. 88, 42). Се насъ ради бысть Сынъ Дѣвическъ уморенъ, да мы отъ смерти избавимся! И кто здѣ Ту Дѣвицу не наречетъ Материю себѣ, видя Единороднаго Сына Ея растерзанна, да мы усыновленіе получимъ? Дастъ намъ область <sup>3)</sup> чады Божїими быти (Іоан. 1, 12). Нѣсть ли кто чель орла, <sup>4)</sup> зѣльнѣ прилежаща чадомъ своимъ? *Орелъ покры инъздо свое и на птенца своя возжелъ* <sup>5)</sup> (Второз. 32, 11). Но Матери нашей Преподобнословеннѣй даны быша двѣ крилѣ Орла Великаго: (Апок. 12, 14), то <sup>6)</sup> уповаемъ, яко Она покрыетъ ны кровомъ крилу Своею. Извѣщаваемся о покровительствѣ Ея отъ Андрея Святаго юродиваго: сей видѣ Ю въ Влахеристѣй Церкви люди Покрывающую: тако имать о чадѣхъ Своихъ прилѣжное попеченіе. Не забуди убо и мене, аще и неключимаго, о Мати Всепѣтая!

## Нравоученіе XIX.

Добра намъ есть Мати Пресвятая Богородица: требѣ убо, да и мы не злы сынове Ея будемъ. Не не вѣмы, какова челоуѣка Господь Матери Своей Преподобнословеннѣй подѣ Крестомъ усыновляетъ на Голгоѣ: *видѣвъ Іисусъ Матерь, и Ученика стояща, его же любяще, глагола Матери Своей: Жено, се Сынъ Твой! Потомъ же глагола Уче-*

<sup>1)</sup> Въ подлинникѣ на полѣ объяснено: *пеликанъ*.

<sup>2)</sup> Смотрите.

<sup>3)</sup> Страданїями.

<sup>4)</sup> Въ подлинникѣ читается: *образъ*.

<sup>5)</sup> Кто не читалъ объ орлѣ...?

<sup>6)</sup> Въ подлинникѣ читается: *вождель*.

<sup>7)</sup> А если такъ, то...

нику: се Мати Твоя (Іоан. 19, 26—27). Дѣвственника Дѣвѣ, Чистаго Пречистѣй, Любимаго Ученика Любимой Родительницы даетъ за Сына. Трое здѣ, хотяи Сынь Богородичинъ быти, да внемлетъ: чистоту, ученичество, и стояніе подъ Крестомъ. Ни бо инако достоинъ кто нарециса Сынь Ея, аще не погщится быти чистъ, аще не будетъ Христовъ ученикъ, аще не станетъ подъ Крестомъ. Убо да будемъ любими, либо <sup>1)</sup> и не достойнии сынове Матере нашея Премилосердныя, попецѣмся о грѣсехъ нашихъ по силѣ нашей очистити я, [и] отложше всяку скверну цѣломудреннѣ поживѣмъ. Къ сему ученицы Господни сотворѣмся, послушающе и храняще заповѣди Господня: *не слышатели бо, но творцы закона оправдятся* (Рим. 2, 13). Станемъ же и подъ Крестомъ, ибо не индѣ Богословъ Святой сподобиса Маріи усыновленъ быти. Подъ Крестомъ же стояти како? Всегда имѣти предъ умными очима своимъ Распятаго Господа: *не судихъ, рече, ино что видѣти* <sup>2)</sup> *въ васъ, точію Господа нашего Іисуса Христа, и Сего Распята*, (1 Кор. 2, 2). Сораспинати же ся Господу своему состраданіемъ и умерщвленіемъ своихъ похотей и (къ нимъ же обыкохомъ) грѣховныхъ страстей; симъ бо запечатлѣемъ сыновство наше, и возлюбитъ ны Благая всего міра Мати, аще умремъ грѣху и оживемъ Богови, аще духовнѣ мученичество понесемъ, аще изволеніемъ сотворимся мученики: нѣсть бо Сынь Маріи, иже не мученикъ! Естественный Ея Сынь Іисусъ Христосъ умре <sup>3)</sup> за ны. Приобщенный Ея сынъ умре <sup>3)</sup> за Христа: то и мы — сынове ли Ея есмы? Самовольнѣ постраждемъ и умремъ за Сына Божія, аще и безъ крове. Самовольное же Христа ради безъ крове мученичество сиче описуется:

Идолъ	есть грѣхъ.
Идолское капище	есть грѣхолюбное сердце.
Идолопоклонникъ	есть грѣховнымъ страстемъ работай.
Идолопоклоніе	есть страстолюбіе.
Мученическій подвигъ	есть сопротивленіе грѣху.

<sup>1)</sup> Хотя.

<sup>2)</sup> Въ новѣйшихъ изд. Библии *видѣти*.

<sup>3)</sup> Въ подлинникѣ въ обоихъ случаяхъ стоитъ старинная форма: *умрътъ*.

Мучитель	есть злый обычай грѣховный, или на- логъ <sup>1)</sup> къ грѣху.
Слуги мучителивы	суть помыслы скверныи, къ грѣху вле- кущіи.
Многоразличное мученіе	есть съ помыслы скверными борьба.
Отверженіе Хріста	есть соизволеніе на грѣхъ.
Пожертвье идолу	есть замышленного грѣха дѣломъ испол- неніе.

Симъ, любве ради Хрістовы, сопротивляяся есть безъ крове мученигъ и добрый подвижникъ. Сицеваго мученика — о козь Пречистая Мати лю-  
бить и въ Сына мѣсто его имать!

### Бесѣда XX <sup>2)</sup>.

*Надежде ненадежднымъ, Помощнице не-  
мощнымъ, ходатаице всѣмъ грѣшнымъ, Ты  
мя покрый и заступи отъ всѣхъ бѣдъ и  
нуждъ душевныхъ и тѣлесныхъ!...*

Въ Поклоненіи.

Кто тѣломъ точію, азъ же и душею боленъ; давно быхъ отчаяхъ  
обоего здравія, аще не бы Ты имѣлъ надежду, Богородице, яже всѣхъ,  
уповающихъ на Тя не посрамляеши. Мнози въ многѣхъ надежды своя  
полагають: немощни—въ врачехъ, здравіи—въ крѣпостехъ силы своя,  
богатыи—въ сокровищахъ своихъ, рабы—въ господіяхъ своихъ, госпо-

<sup>1)</sup> Навыкъ, привычка.

<sup>2)</sup> Бесѣда сія слѣдуетъ за описаніемъ такого чуда: «Есть градъ въ предѣлѣ Чернигов-  
скомъ, рекомый Сосница. Зъ того града прииде въ монастырь Іакинской нѣкая жена, именъ  
Агафія и принесе на образъ Пресвятой Богородицы монисто кораліевое, съ седма  
Крестиками серебряными, и таблички двѣ серебряныи; и то о себѣ подъ совѣстію (по совѣ-  
сти) исповѣда: азъ, рече, дванадесять недѣль боляхъ, въ коей болѣзни сотворися вредъ  
великій и неисцѣльный на шіи моей, отъ него же несказанную терпѣ болѣзнь, и уже от-  
чаяхся живота моего, также и сущи при мнѣ не надѣяшеся живу мя зрѣти. Тако ча  
ющей мнѣ часа смертнаго, се нѣци отъ сосѣдъ, посѣщающихъ и присѣдающихъ мнѣ, иже  
бываху здѣ на поклоненіи, и о чудесахъ бывающихъ слышаху, рѣша мнѣ: обѣщайся по-  
молитися Чудотворному Образу Пресвятой Богородицы, иже въ Черниговѣ у Іліи Святаго,  
и вѣруй, яко здрава будеши. Сія азъ слышавши, аще не устами,—уже бо не могахъ язы-  
комъ что провѣщати,—обаче умомъ призвахъ усердно Пресвятую Дѣву въ помощь, тво-  
ряще обѣтъ ити пѣшю поклонитися Святому образу, о немъ же слышу. И не умедли Скорая  
Помощница, но скоро услыша и помилова: въ то бо время пріяхъ ослабу отъ болѣзни и  
воскорѣ оздравѣхъ добръ, и се обѣщаніе мое исполню». Это было въ 1676 г. Августа 26-го.



діе — въ благополучіи своемъ. Но о человѣцы! сѣмо со мною да обрѣтѣте вся своя надежды! Врачеве да цѣлятся сами (Лук. 4, 23); здравіи да зрятъ крѣпость свою во гробѣхъ; богатіи да плачутся о лютыхъ скорбехъ, грядущихъ на нихъ (Іак. 5, 1); рабы да вѣдаютъ господій своихъ благодать на пестрѣмъ конѣ ѣздящую; <sup>1)</sup> господіе да зрятъ, яко скоровратнымъ ихъ благополучіе бѣжитъ коломъ; <sup>2)</sup> — вы же здѣ въ Непостыднѣй Заступницы положѣте надежду, и всего, еже требуете, не лишитесь. Недузні! <sup>3)</sup> требуете ли здравія? Надѣйтесь на Дѣву Богородицу: *Та изъ нездравія во здравіе претворяетъ.* <sup>4)</sup> Здравіи! требуете ли крѣпости и силы? Обряцете то въ Рождшей Господа Крѣпкаго и Сильнаго, *Господа Сильнаго во бранехъ* (Пс. 23, 8). Богатствъ ли вамъ требѣ? И гдѣ лучше обогатитесь, яко при Той, Яже носитъ на руку Своею Имущаго *въ шуйцѣ Своей богатство и славу* (Притч. 3, 16). Рабы и господіе, надѣйтесь на Госпожу, Рекшую о Себѣ: *се Раба Господня* (Лук. 1, 38); Та вы научить работати Господеви, господствовать же надъ страстьми. И всякъ ненадеждный, паче же отчаявшійся спасенія своего грѣшнике! возложи надежду на Сію, Яже есть едино грѣшникомъ прибѣжище, ненадежднымъ Надежда, побѣждаемымъ Помощь, готовое заступленіе къ Ней прибѣгающимъ. <sup>5)</sup> На Ту надѣющеся, не погибнеші: кто бо надежду возложивый на Ню погибне?

О Добрая Надеждо моя, — *Упованіе мое отъ сосцу матере моея! Къ Тебѣ приверженъ есмь отъ ложеснъ, отъ чрева матере моея Ты еси моя Покровителка* (Пс. 21, 10)! <sup>6)</sup> Не остави мене и не отступи отъ мене!..

## Правоученіе XX.

Внемлемъ, любимицы, <sup>7)</sup> винѣ, ея же ради реченная Агафія <sup>8)</sup> приіде отъ града своего пемолитися усердно Пресвятой Богородици: яко боляше и оздравѣ благодатію Богородичною.

<sup>1)</sup> Образъ измѣнчивости благорасположенія господь — пословица.

<sup>2)</sup> Вертящееся колесо — образъ превратности земнаго счастья. Horat. De Arte Poëtica.

<sup>3)</sup> Недужные.

<sup>4)</sup> Канонъ молебный Богоматери, пѣснь 9-я.

<sup>5)</sup> Молитва на повечеріи: «Нескверная, неблазная».....

<sup>6)</sup> Покровительница.

<sup>7)</sup> Возлюбленные.

<sup>8)</sup> Указаніе на исцѣленную.

Смотрѣте, како всѣхъ Промыслникъ <sup>1)</sup> вся на пользу строить: мно-  
гаци наводитъ на ны различныя болѣзни, да уцѣлоумудримся, да оста-  
немся <sup>2)</sup> грѣховъ, да притечемъ къ Богу покаяніемъ. А яко истинно  
то есть, послушаемъ отецъ Святыхъ. Святый Баллистъ глаголетъ: «Благъ  
сый и всѣмъ спастися хотяй Богъ, множицею попускаетъ людямъ въ  
болѣзни впадати, да очистятся отъ грѣховъ грѣхами одержимые; та-  
ко бо гласомъ Божественнаго Іеремѣи глаголетъ: болѣзнями и ранами  
казненъ будеши, Іерусалиме (Іер. 7, 8).» <sup>3)</sup> И Григорій Назіанзенъ вѣ-  
щаетъ: «воистинну болѣзнями тѣлесными душа къ Богу приближается.»  
И другій Григорій, Папа Римскій, глаголетъ, яко «Богъ чловѣка уязв-  
ляя, здравіе подаетъ; и егда избранныхъ Своихъ извнѣ казнить, хочетъ  
да внутрь живы будутъ,—умерщвляетъ, да оживить, біетъ, да исцѣ-  
литъ.» И Исидоръ: «болѣзнь тѣлу здравіе есть душѣ; болѣзнь тѣло  
уязвляетъ, мысли же цѣлитъ; болѣзнь силу вождельній плотскихъ прѣ-  
сѣщаетъ.» Егда убо приключается намъ болѣти тѣломъ, отъ сего поз-  
наваемъ благостыню Божию, яко симъ ведетъ ны къ покаянію; и не  
отчаевающесе, но надѣющесе на милость Его благоутробія, исправляимъ  
свое житіе, имуще Пособницу на се Пресвятую Дѣву.

## Бесѣда XXI. <sup>4)</sup>

*Росу Твоего благоутробія подаждь ми Прене-  
порочная, Чистая, грѣховнымъ зносмъ тающему,  
печаль Сама устужающи ми и радость Божес-  
твенную подающи.*

Дамаскинъ въ Октоихъ гл. 4-й, въ четверт. на повеч. пѣснь 3-я.

Не вѣсть Та неблагоутробна быти, Ея же утроба Благаго намъ роди  
Бога. Апостолъ, благоутربیемъ подвизаемый, глаголаше ко ученикомъ  
своимъ: *не тѣсно вмѣщается во утробу мою* (2 Кор. 6, 12). Но  
чіе отъ святыхъ ко всѣхъ вмѣщенію пространнѣйшее благоутробіе обрѣ-  
стися можетъ, паче Маріинна? Вмѣщается здѣ цѣлоумудренный, и грѣш-

<sup>1)</sup> Промыслитель.

<sup>2)</sup> Да отстанемъ отъ...

<sup>3)</sup> Слово въ недѣлю шестую по Святомъ Дусѣ.

<sup>4)</sup> Положена послѣ описанія чудеснаго исцѣленія спорченной Маринны, изъ крѣпостныхъ  
монастыря Ильинскаго. Это было 1676 года, Сентября 16 дня, по усердной молитвѣ матери  
болящей, именемъ Анны, предъ чудотворнымъ образомъ Богоматери.

ному здѣ же не тѣсно. Ту имать кающійся свое мѣсто, и отчаянному съ непокаяннымъ, аки къ Ноеву ковчегу, не точію чистымъ, но и нечистымъ животнымъ прибѣжище не возбранно.

Въ Ея благоутробіи душою и тѣломъ болящій, яко въ больницы, паче же реку во врачевниці, почивають и цѣлятся всяко. Здѣ слѣпіи прозирають, глухіи слышать, хроміи ходять, прокаженніи очищаются, недужи отгоняются, мертвіи встають, и кто либо чesого востребуетъ, — все получаетъ въ благостыни Ея, Яже чрезъ стогъ пшеници въ Пѣснехъ пишется: *чрево Твое — яко стогъ пшеници* (Пѣсн. Пѣсн. 7, 2). Пшеница паче инѣхъ сѣмень честнѣйша и потребнѣйша: благость Маріина паче всѣхъ человѣкъ больша, и коемуждо отъ вѣрныхъ зѣло потребна. Не изочтены суть зерна пшенични во стогахъ: тако ни богатство благости Ея сочисляется. Пшеница, питая человѣка, содержитъ временный животъ его: и наша Преизбранная Мысленная Пшеница — Пречистая Дѣва, насыщая ны Хлѣбомъ Животнымъ, толико нашъ животъ хранить, яко о Ней живемъ, Ею содержимы.

Не затвори убо и мнѣ благоутробія Твоего, Пречистая!

## Правоученіе XXI.

Хотящая испросити цѣльбу сляченнѣй дщери своей мати, съ плачемъ великимъ припаде къ Богу и Богородицѣ, и слезами отверзе благоутробія дверь. <sup>1)</sup> Ни бѣ удобно кому отверзти чіе благоутробіе безъ сихъ ключей, безъ слезъ, глаголю; сими же и Рай отверзеши. Пишетъ Богословъ, яко въ Раи врата суть создана отъ бисеръ, сирѣчь зъ перель <sup>2)</sup>: и *едина каждо врата бѣша отъ единаго бисера* (Апок. 21, 21) Бисеръ или перла у Піерія слезу образуєтъ; <sup>3)</sup> ему же согласуя и Свидѣ глаголетъ; яко «егда въ соннѣмъ видѣніи зрять кто перлы, плачь знаменуєтъ». Томужде согласовати зрится и Святый Златоустый, глаголя: «очи Давидовы дождемъ слезнымъ украшенни бяху, яко же маргаритами», <sup>4)</sup> си есть перлами. Дивляхся [[убо, яко] аще перли суть

<sup>1)</sup> См. выше, примѣчаніе подъ текстомъ бесѣды.

<sup>2)</sup> Изъ перловъ.

<sup>3)</sup> Піерій, кн. 28.

<sup>4)</sup> Бесѣда на бытіе 1-я.

слезъ образомъ и плача знаменіемъ, то почто врата перловая тамо, идѣже ни что же слезно зрится, ни что же плачевно слышится, но вся суть неизрѣченныя радости исполненна? Рассмотрѣвъ же, познахъ, яко того ради, да хотящій въ Райскую радость вніти, не иными въ ню входити тшятся враты, точію слезами. Зриши ли въ Раи врата зъ перлы? Перла же слезу образуеъ; то вѣждь, яко слезою вніти тебѣ въ Рай подобаеъ, и нѣсть инаго въ Рай входа, кромѣ слезныя перлы. Но которій Рай человѣкови лучшій паче Божія и Богородичина Благоутробія, въ немъ же и самое Небо залежитъ? Ибо вси Благоутробіемъ Бога и Божія Матере молитвами паче, неже по своему достоинству, Небо наслѣдствуютъ. *Не суть бо достойны страсти вѣка сего къ хотящей лѣпиться слава* (Рим. 8, 18). Обаче и къ сему Раю, къ Божію, глаголю, Благоутробію, — не ина врата, точію бисеръ слезный. Прииди, поклонися, припади и восплачи предъ Господемъ, Сотворшимъ тя (Пс. 94, 6): и абіе посредѣ благоутробія его обрящешися. Извѣстися о семъ отъ словесъ Іеронимовыхъ, ими же ту перлу слезную похваляя, глаголетъ: «о слезо смиренная! Твоя есть сила, твое есть Царство; ты не трепещеши суда, заграждаеши бо молчаніемъ уста врагомъ, клеветующимъ на тя, и нѣсть возбраняющаго тебѣ входа къ Богу. Аще же сама къ Нему внідеши, не тща возвращаеши отъ Него: [ибо] что болѣе [совершаемаго тобою]? Побѣждаеши Непобѣдимаго, связуеши Всемогущаго, преклоняеши къ Благоутробію Сына Дѣввыя, отверзаеши Небо, прогоняеши діавола.» Смотри, како сильна есть слеза къ отверстию Божія Благоутробія! Убо сею, яко же перловою дверію въ Рай, входи въ Благоутробіе Его!

## Всѣгда XXII Ѳ).

*Бодренною Си молитвою и неисчетною простынею ущедрѣ насъ, и подаждь душамъ нашимъ Милосердіе Свое, во вѣки источающи.*

Въ Павечерницѣ великой.

Ни на небѣ, ни на земли [не] обрящеши большее по Бозѣ Милосердіе, паче Богородичина: Милосердни суть на небеси Ангели, предста-

<sup>1)</sup> Положена послѣ описанія чудеснаго исцѣленія лежавшаго долгое время предъ вратами Ильинской обители нѣкоего нищаго, позѣ котораго были покрыты ранами, и онъ уже отчаявался въ жизни. Получивъ исцѣленіе въ 1676 году, онъ остался на всегда въ обители служить Своей Цѣлительницѣ.

тельствуютъ бо о насъ, и ополчаются окрестъ насъ: обаче и отъ тѣхъ единого видѣ Давидъ не милостивнѣ убивающа Божія люди (2 Цар. 24, 17). Мнози и на земли человѣцы обрѣтошася милосердны, но не тако, яко же Дѣва Богородица, Ея же милосердіе Божію Милосердію есть точно: <sup>1)</sup> обоя бо бездною наричутся. О Божіемъ Дамаскинъ [глаголетъ]: *въ безднѣ грѣховный одержимъ, неизслѣдную Милосердія Твоего призываю бездну.* <sup>2)</sup> О Богородичномъ же тойже [Дамаскинъ глаголетъ]: *милосердія Твоего бездну призывающу ми, подаждь, Благосердаго Рождшая!* <sup>3)</sup> Сію бездну кто измѣрити можетъ? О Глубино Непостижимая милости къ роду людскому! Міръ сей яко шпиталь, <sup>4)</sup> исполнь калѣбъ, болѣе, неже въ пяти притворахъ при овчей купели солежащихъ, и кто я врачуетъ? Ты, Премилостивая Царице! Въ овчей купели единою въ лѣто бывающаго воды возмущенія чаяху, и то единого точію больного исцѣлеваше: въ Тебѣ же, Богородице, кипятъ всегда милосердія воды, не единого въ лѣто, но безчисленныхъ калѣбъ врачующія! Да изочтеть кто отъ Милосердія Твоего бывающая исцѣленія, не точію здѣ, въ монастырѣ Ильинскомъ отъ чудотворныя Твоея Иконы, но и по инѣхъ мѣстѣхъ, <sup>5)</sup> яко же въ святой Печерской Лаврѣ, въ Новомъ Дворѣ, въ Купятичахъ и по различныхъ странахъ, монастырехъ и градѣхъ,—по премногу же въ преславномъ Богоспасаемомъ градѣ Москвѣ, и во всей великой Россіи, идѣже суть неисчетными чудотвореніи прославльшіеся иконы изображенія Твоего: Казанская, Владимирская, Смоленская, Иверская и прочія безчисленные, отъ нихъ же да собереть кто исцѣленные калѣки, да сочислить утѣшенныхъ отъ печалій, да совокупить пріемшихъ пластырь <sup>6)</sup> на душевныя язвы! Но кто доволенъ сіе сотворити?

Скорѣе въ веснѣ цвѣты, въ лѣтѣ зочтемъ класы,

Въ осени плоды, въ зимѣ снѣзи, въ главѣ власы,—

<sup>1)</sup> Подобно.

<sup>2)</sup> Октоихъ, гласъ 2-й, воскр. пѣснь 6-я, ирмосъ.

<sup>3)</sup> Канонъ Молебный Богоматери, пѣснь 4-я.

<sup>4)</sup> Госпиталь, больница.

<sup>5)</sup> И по инымъ мѣстамъ.

<sup>6)</sup> Пластырь.

Скорѣ капли можемъ измѣрити въ морѣ,  
И скорѣ вси звѣзды исчислѣти горѣ,  
Нежели исчисляемъ Маріины чуда!

Являясь милосердѣ Веспасіанъ Египтяномъ, глаголаше: «почерпѣтъ отъ мене, Египтяне, яко отъ вашего Нила,»—аки глаголя: «яко рѣка Нилъ, отъ него же вси черплете, подаетъ вамъ неоскудны воды: тако моя благодать неоскудна, отъ нея же черплете Мое Милосердіе». Но ложно рѣцѣ толицѣй съ своимъ благосердіемъ себе уподобляше, могій въ малыя горсти вомѣститися. Се восписовати прислушаетъ <sup>1)</sup> Рѣцѣ Божіей—Дѣвѣ Маріи, Яже водъ благодатій наполнися. Та не Египетъ точію, но вселенную всю: востокъ и западъ, полудень и полунощь напаяетъ потоками неисчерпаемыми Милосердія Своего. Вопросы всякаго вѣрнаго: не причастился ли Ея Милосердія? Всяко речетъ: «вѣсть ми инаго высочайшаго на небеси и на земли, яко же Та, по Господѣ моемъ Иисусѣ Христѣ. *Не имамъ иныя помощи, не имамъ иныя надежды*, развѣ Богородицы. <sup>2)</sup> Мню, яко той о Ея милосердіи молчати будетъ, иже помнитъ себе когда тѣща и неуслышанна отъ Нея изшедша: но кто не услышанъ, кто не помилованъ, кто не обдаренъ отъ Нея изыде? Точію той, иже ни когда не прибѣгалъ къ Ней, обаче Она Блага является и не ищущимъ Ея.—Явился убо и мнѣ Милосерда, о Препоблагая!...

## Правоученіе XXII.

Милосердія Божія и Богородичина причащяся, исцѣлѣвый предъ враты монастырскими реченный Стефанъ <sup>3)</sup> воздаваше сіе работою прилѣжною въ тойже обители. Мы же грѣшніи, на всякъ часъ милосердіемъ Вышняго покрываемы, не хотимъ Ему работати вѣрнѣ, но работаемъ мірови и его суетамъ, тѣлу и его похотемъ и прелестемъ бѣсовскимъ паче, неже Богови. Горе намъ, яко избираемъ худшее вмѣсто лучшаго, страстемъ нашимъ вмѣсто Бога служимъ, идѣже бо кое вожделеніе повлечетъ человѣка, и ко яцѣй вещи сердце чіе привязуется, се ему есть и

<sup>1)</sup> Приличествуетъ.

<sup>2)</sup> Канонъ Одигитріи,—кондакъ.

<sup>3)</sup> См. примѣч. къ бесѣдѣ.

господь и богъ. Тако святой Іеронимъ бесѣдуетъ: «ему же богъ чрево есть, тому богъ новъ есть; каковы либо грѣхи имамы и колико, толико боговъ новыхъ имамы. Разгнѣвахся—гнѣвъ ми богомъ есть. Возрѣхъ на жену, во еже вождѣлѣти ю,—вождѣленіе ми богомъ есть. И всякъ, еже вождѣлѣеть, сіе ему богомъ есть». <sup>1)</sup> Убо Единому Вышнему Богу послужѣмъ не слушающе, ниже работающе суетнымъ господіямъ; ни бо можемъ двѣма господиномъ работати, единого бо возлюбимъ, а другаго возненавидимъ, или единого удержимся, о друзѣмъ же вознерадимъ: не можемъ *Богу работати и мамонѣ* (Мѡ. 6, 24). Глаголетъ Григорій Святой: «никто же можетъ въ тойже и единой вещи Всесильному Богу работати и врагомъ Его угождати; не хочетъ сей быти другъ Богу, иже врагу Его угождаетъ». <sup>2)</sup> И Діоптра [глаголетъ]: «не попусти Богъ Себѣ <sup>3)</sup> и Дагону единъ и тойже оltарь подавати, и сего ни когда же сподобишася Филистимове, аще и всѣми силами труждахуся (1 Цар. 5). Не хочетъ Богъ тамо мѣсто имѣти грѣху, идѣже Лице Его Божественное обрѣтается; не терпитъ вкупѣ Себѣ и міру имѣти поклонники».

### Бесѣда XXIII. <sup>1)</sup>

*Пристанище намъ буди влающимъ, и отишѣ въ пучинѣ скорбей.*

Акаѡ. Псѣнь 6.

Аки въ мори въ сей немощи <sup>2)</sup> человѣкъ обуреваемый потопляшеся, и уже бы ему *погрязнути яко олову въ водѣ зѣлнѣй* (Исх. 15, 10), аще не бы достиглъ пристанища небурнаго — Пресвятой Дѣвы.

Нѣкто, волненія и бури избывъ, хвалится: *придохомъ на мѣсто тихое, нарицаемое «Доброе Пристанище»* (Дѣян. 27, 8). И гдѣ лучшее пристанище паче Маріи? Та, аще точію кто къ Ней пристанетъ, отъ всякаго потопленія цѣла и невредима его сохранить.

<sup>1)</sup> Бесѣд. на псал. 80-й.

<sup>2)</sup> Бесѣд. на Іезекииля.

<sup>3)</sup> Ему, т. е. Богу.

<sup>4)</sup> Положена послѣ описанія чудеснаго исцѣленія нѣкоего бѣсноватаго Ѳомы, который, мучимый бѣсомъ, бросался въ воду, желая лишити себя жизни; приведенный къ Чудотворной Ильинской Иконѣ Божіей Матери, онъ совершенно исцѣлился, что послѣдовало въ 1676 году, Августа 14 дня.

<sup>5)</sup> См. предыдущее примѣчаніе.

Шествоваше иногда Израиль сквозъ Черное Море невлажными ногами (Исх. 14); и что его сохрани отъ воднаго потопленія? Хощеши, чаю, рещи, яко жезлъ Моусеовъ, раздѣливый начертаніемъ Креста воды? Но не безъ Богородицы, ибо Тоя тамо прописовашеся образъ. Слыши, что сладко-глаголивая ластовица Церковная—Дамаскинъ святой о семъ воспѣваетъ: *въ Чермнѣмъ Морѣ браку Неискусимыя Невѣсты образъ написася древле*. <sup>1)</sup> И се храняше Израиля отъ волнъ морскихъ, яже потопиша Фараона. Хотяху, чаю, воды и жидовска рода не пощаждѣти, яко тѣхъ, иже имѣяху быти не благодарны, ропотницы, отступницы отъ Бога и врази Его,—наконецъ же и убійцы Сына Божія. Обаче, видяще въ нихъ Маріино прознаменованіе, убояшеса волны морскія: *море видѣ и побѣже* (Пс. 113, 3). Зриши ли, како въ Ветсѣмъ еще Завѣтѣ Марія, точію прообразованіемъ Своимъ, тихое пристанище баше. Внемлѣмъ же и Іонину неврежденію: како въ глубинѣ морстѣй, еще же въ утробѣ воднаго звѣря, посредѣ толика смрада и тѣсноты, не умеръ три дни и нимало вредися, идѣже бы человѣкови ни полчася мощно живу быти. Что тамо его храняше цѣла? Не что ино, точію Таяжде Преблагословенная Дѣва Марія, Ея же и тамо проображеніе баше, тако [бо] гласить Церковь: *во утробѣ Іонѣ младенца не вреди морскій звѣрь, яковаго же пріятъ; въ Дьвицу убо вселися Слово и плоть пріемъ, пройде, сохранивъ Нетлѣнну* <sup>2)</sup>. И се храняше Іону три дни жива и невредима, яко хотяше Слово отъ Дѣвы Нетлѣнно воплотитися, чesого Іоанна образъ въ китѣ баше. О коль доброе Пристанище—Пречистая Дѣва, яко своихъ и отъ дна морскаго живы и цѣлы изводитъ. Кто—безъ Нея, сей въ лыжицы <sup>3)</sup> воды утонетъ: придержи же ся Ея, аще и посредѣ моря будетъ стопы ножніи не змочить.

Храни убо и мене, о Маріе! *Да не погрузитъ мене буря водная, ни да пожретъ мене глубина*. (Пс. 68, 16)!

### Правоученіе XXIII.

Погружаемся и мы въ водахъ многихъ, міръ бо сей окаянный есть моремъ: сице его мнози проименоваша. Амвросій Святой: «кое море

<sup>1)</sup> Догматикъ гласъ 5-й по старинному чтенію.

<sup>2)</sup> Канонъ на Рождество Христово, пѣснь 6-я ирмосъ.

<sup>3)</sup> Въ лыжицѣ.



сице есть нагло, якоже міръ,—толико невѣренъ, толико мятеженъ, толико пропастенъ, толико нечистыхъ духовъ вѣтрами волнящся!» Святый Златоустъ глаголетъ: «различными грѣхами и многообразными искушеніи, якоже нѣкіими волнами бурится <sup>1)</sup> міръ сей, о немъ же чтемъ: *се море великое и пространное* (Пс. 103, 25)». <sup>2)</sup> Кассіодоръ: «морю въ правду уподобленъ есть міръ, яко лжами горекъ, волнами бѣсовскими трясется, прегрѣшеній вѣтрами смущается». <sup>3)</sup> И Дамаскинъ Святый сѣтуетъ: *придохъ во глубины морскія* (си есть въ мірскія страсти) *и потопила мя есть буря многихъ ми прегрѣшеній*. <sup>4)</sup> Воистинну другое міръ море: яко же бо въ пучинѣ морстѣй, тако въ мірѣ многообразніи пагубы, погруженія, нечаянія, <sup>5)</sup> бѣды, яко рещи Апостолу: *весь міръ во злѣ лежитъ* (1 Іоан. 5, 19); въ немъ же житіе есть смертію горькою паче, неже животомъ, <sup>6)</sup> еже описуетъ Блаженный Августинъ сице: «еда мы животъ сей, его же въ мірѣ видимъ, нареши животомъ можемъ? Его же вѣтри надымають, болѣзни истончевають, огневицы изсушають, воздуха немощи исполняютъ, брашна отягчываютъ, посты смиряють, глумленія соблазняютъ, скорби истаеваютъ, попеченія истниваютъ, бѣды оскорбляютъ, богатства отолстѣваютъ, нищета на землю повергаетъ, младость возноситъ, старость прекланяетъ, болѣзни и злыи случаи мучать; по толикомъ же многомъ злѣ смерть наконецъ настоитъ». <sup>7)</sup> Въ толико зломъ міра сего морѣ суще, посредѣ толикихъ бѣдъ, скорбій и напастей—почто не ищемъ пристанища? Почто и еще суеты держимся? Почто несытнѣ сланую пристрастія піемъ воду? Почто пагубу нашу любимъ? Не слышимъ ли Святаго Назіанзена проповѣдующа: «се міръ, его же любимъ, убѣгаетъ,—уже самъ въ себѣ уше; въ сердцахъ же нашихъ еще процвѣтаетъ! Всюду смерть, всюду плачь, всюду погибель! Отвсюду біють ны, обаче мы, ослѣпленни похотію плоти, тыя самыя горести его любимъ! Бѣгущаго гонимъ, на па-

<sup>1)</sup> Обуревается.

<sup>2)</sup> Бесѣда 33.

<sup>3)</sup> Кассіодоръ на пс. 44.

<sup>4)</sup> Октоихъ гласъ 4-й, пѣснь 6-я; ирмосъ.

<sup>5)</sup> Нечаянности, непредвидѣнные обстоятельства.

<sup>6)</sup> Есть болѣе смерть горькая, нежели жизнь.

<sup>7)</sup> Книга о Богомышленіи, гл. 20.

дающаго вспѣраемся: не могуще же подперти падающаго, сами съ нимъ падаемъ!» <sup>1)</sup> Сихъ словесъ послушающе, и очима истинну ихъ въ мѣръ видяще, отвержѣмъ всякую печаль житейскую, и во Пристанищу Небесному—къ Богу и Божіей Матерѣ скоро и усердно притечѣмъ, кождо насъ вопіюще: *Ты мене окорми ко пристанищу Твоему, благимъ Виновая, вѣрнымъ Утвержденіе, Единая Всепътная!* <sup>2)</sup>

## Бесѣда XXIV. <sup>3)</sup>

*Радуйся, воскресенія образъ Облустающая!*  
Акаѳ. Богоматери, Икосъ 7-й.

Всякія болѣзни цѣлятся различнѣ, но смерть никакоже. Нѣсть врача, ни врачеванія, еже бы могло умерша воздвигнути:

Врачеванія противъ смертной зрадѣ <sup>4)</sup>

Не обрящещи и въ вертоградѣ.

Обаче послушайте мене: азъ вамъ покажу Врачебницу, Могущую и мертвыя цѣлители, и воскрешати. Пресвятая Дѣва — Жизни Мати, Юже гробъ и смерть не удержаста, Та отъ гроба и смерти вѣсть возставляти умершихъ. Похити иногда напрасно смерть отрока Сумантянини, сія воставши иде къ человѣку Божію въ гору Кармилъ,—тогда бо Пророкъ Елисей въ Кармилѣ бѣаше (4 Цар. 4, 25). Смотри судьбы дивныя: по что Пророкъ, воскреситель быти имѣяй умершаго отрока, медляше въ горѣ Кармилѣстѣй? Сія, чаю, тайна: да мати, воскресенія ради сына своего къ Пророку грядущая, притечетъ къ горѣ Кармилъ, яже прознаменоваше Дѣву Богородицу, о Ней же глаголетъ Духъ Святыи: *глава Твоя на Тебѣ—яко Кармилъ гора* (Пѣс. Пѣс. 7, 5). Кто бо къ Ней притечетъ, сей приметъ отъ воскресенія мертвыя своя (Евр. 11, 35). Къ сему же, да и Пророкъ, грядый воскресити умершаго, восприметъ на се чудесную силу, отъ Богородичнаго прообразованія въ Кар-

<sup>1)</sup> Въ Бесѣдахъ на Евангеліе.

<sup>2)</sup> Параклисъ Богоматери, пѣснь 3-я.

<sup>3)</sup> Положена послѣ описанія воскресенія нѣкогого младенца Тимоея, сына поселянина Ермолая, вслѣдствіе обѣта, даннаго родителями—поклониться чудотворной Иконѣ Богоматери—что въ Ильинскомъ монастырѣ. Чудо сіе совершилось въ 1679 году, Апрѣля 21 дня, въ понедѣльникъ на свѣтлой седмицѣ (Слѣдов. за 4 года до изданія «Руна Орошеннаго»).

<sup>4)</sup> Язы.

милѣ. Воскрешая Господь сына вдовичина въ градѣ Наинѣ, коснуса одра (Луки 7, 14), и—прикосновеніемъ Его смерть прогнана. Такжеже и различныя болѣзни прикосновеніемъ Его цѣляхуса, *яко сила отъ Него исхождаше и исцѣляше вся* (Лук. 6, 19). Здѣ удивляюся животворной силѣ въ Пречистой Плоти Христовой, яже аще гдѣ прикоснется, тамо не точію больныя цѣлить, но и мертвыя воскрешаетъ. Обаче вопрошаю: откуду сія животворящая Плоть Христова? Не отъ Дѣвическія ли утробы произыде? Ей отъ Нея Плоть Христу исткася! То уже зрѣте <sup>1)</sup> ясно въ Дѣвѣ Маріи животворную силу, и мертвыя оживляющую; отъ Ея бо взятою Плотію Христось кого прикасашеся [сего абіе] воскрешаше и цѣляше. Не всуе *воздвигши нѣкая жена гласъ отъ народа рече Христу: блаженно Чрево, носившее Тя, и сосца, яже еси ссала* (Лук. 11, 27)!

Воскреси убо и мене, умершаго грѣхами, о Мати жизни!

### Нравоученіе XXIV.

Азъ грѣшный, живъ сый тѣломъ, мертвъ же душою, точнихъ <sup>2)</sup> мнѣ со собою грѣшниковъ зову: грядѣмъ къ Мысленному Кармилу—къ *Горѣ Божіей тучной и усыренной, въ Ней же благоволіи Богъ жити* (Ис. 67, 16. 17),—къ Пречистой и Преблагословенной Дѣвѣ Маріи, да воскресеніе спасенное улучимъ, *да ветхаго чловѣка*, въ страстномъ обычаѣ грѣховномъ лежащаго *отложше, въ новаго*, покаяніемъ встающаго *облекумся* (Еф. 4, 22). Сія жизни Подательница, аще точію узритъ ны къ Ней притекшихъ, абіе оживить, возводя на путь покаянія: самыя бо очеса Ея воскресенія образъ блистають, — призрѣть на ны и помилуетъ ны. Обрѣтается птица, <sup>3)</sup> страннымъ обычаемъ, не яко же вси птицы, птенца отъ плода своего изводящая: очима, прилѣжнымъ на ня <sup>4)</sup> смотрѣніемъ, нѣкая бо есть въ очесахъ тоя птицы естественная сила, яже плодъ зачинаеть, оживляетъ и изводитъ. Что разумѣши о

<sup>1)</sup> И такъ смотрите.

<sup>2)</sup> Подобныхъ.

<sup>3)</sup> На полѣ пояснено: *струсъ*, т. е. страусъ.

<sup>4)</sup> Вѣроятно должно читать: на нь, то есть, на плодъ, или яйце.

очесехъ Пренебесной Мысленной Птицы — Дѣвы Маріи? Не имуть ли силы животворной? Ей, имуть! На кого бо отъ грѣшныхъ призрѣть, сего сотворять зачатися исправленіемъ, ожити покаяніемъ, и изыйти на путь добродѣтелей. Не всуе въ Пѣснехъ нѣкій къ Ней вѣщаетъ: *обрати очи Твои прямо мнѣ яко тыя воскрилиста мя* (Пѣсн. Пѣсн. 6, 4); аки бы реклъ: очи Твои, призрѣвши на мя сотвориша мя птенца, дадоста бо ми крилъ къ летанію Богомысленному. Ибо на него же призрѣть Марія, аще [той] и ползаше по земли, земная мудрствуя, сей исправлься, вперится <sup>1)</sup> и возлетитъ высоко Богомышленіемъ. Многихъ учителей чтихъ разумѣніе яко, егда Господь нашъ и Мати Его тѣлеснѣ спребываху человѣкомъ на землѣ, Обое не мало грѣшныхъ обратиша къ покаянію, самымъ <sup>2)</sup> точію на ня воззрѣніемъ. Яко и на Петра воззрѣвъ Господь, *и абіе помяну Петръ глаголь* Господень, *изшедъ вонъ, плакася горько* (Лук. 22, 61). Господу нашему есть то единый покой — воскрешати души умершихъ грѣхами, сирѣчь: обращати грѣшниковъ отъ заблужденія ихъ на стезю спасенную. Еже знаемо есть отъ Святаго Амвросія, иже, разсуждая сія словеса въ Бытіяхъ: *почи Богъ въ день седмый* (Быт. 2, 2), глаголетъ тако: «сотвори Богъ небо, но не чту, яко почи по сотвореніи небесе. Сотвори землю — ни ту <sup>3)</sup> почи. Сотвори солнце, луну и звѣзды, ниже тамо чту, яко почи Богъ. Но егда сотвори человѣка, тогда почи, имый кому грѣхи отпускати.» Внимай симъ словесемъ Святаго: «тогда почи, имый кому грѣхи отпускати.» Зриши ли покой Господень? Зриши ли Благоутробіе Его? Зриши ли неизреченную и всего міра грѣхами не преодоленную благодать и незлобіе Его? Покой имать, пространство и веселіе прощати прегрѣшенія наша! Но и Матери Божіей тожде есть покой зрѣти прощеніе прегрѣшеніемъ нашимъ, молитвовать о насъ, воскрешати ны отъ грѣховъ смертныхъ чрезъ подаваніе намъ Своя благодати къ житія исправленію. Извѣстны будѣмъ о семъ Ея покои отъ словесъ, яже Мудрость Божія въ лицѣ Ея глаголетъ (по Іеронимову переводу): во всѣхъ покой искахъ (Сир. 24, 7), — аки гла-

<sup>1)</sup> Окрылится.

<sup>2)</sup> Единымъ.

<sup>3)</sup> Ни тогда.

голя: «всѣмъ хотѣла быхъ спасеннымъ быти,—ни единому же мертву душею, но всѣмъ жити добродѣтельно; о всѣхъ покаяніи радоватися ищю, во всѣхъ сердцахъ предпочити хочу.» О благи, милосердія и челоѣколюбія Богородичина! Итакъ убо не отступѣмъ отъ Нея, но при Ней почиваемъ усердіемъ всегда, да и душа наша, умершая грѣхами, воскреснетъ, и Ея Духъ въ насъ препокоится, егда мы увлоншеся отъ зла, начнемъ творити благо.



## Прилогъ къ бесѣдѣ 4-й.

*Грѣшница, омытая болящаго позы,  
Слышитъ свыше: «прощени твои грѣси мнози!»*

Жена нѣкая славна, по смерти мужа своего, собравши въ своя помыслы вся грѣхи, и помянувши смертный часъ и страшный судъ въ умъ пріимши, иде къ Блаженному Нифонту, и поклоннися ему, рече: «вѣроу пріидохъ къ твоей святынѣ, честный Отче, исповѣдати вся грѣхи моя.» Тому же не хотящу и глаголющу: «нѣсть ми возможно, чадо, женскихъ внимати дѣяній,» — рече жена: «Отче святой! Господь Іисусъ Христосъ, Истинный Богъ нашъ, въ нашъ оболкійся образъ, не отринувъ пришедшій къ Нему блудницы, со слезами обლობающаго честныи позы Его и исповѣдающаго Ему своя грѣхи: а ты отгоняеши мя покаяться хотящу, и спастися.» То слышавъ, старецъ отвѣща къ ней и рече: «аще сие глаголеши ми, чадо, и вѣроу пришла еси къ моему недостойнству, — пойдемъ въ церковь, и глаголи сокрушеннымъ сердцемъ къ Человѣколюбцу Милостивому Богу дѣянія своя, слышащу и мнѣ худому старцу таковая». И пришедши вкупѣ въ церковь со старцемъ и поклоннися, ста молчаща. Старецъ же глаголаше къ ней: «что се бысть, чадо? Съ заутріа нудаше мое смиреніе пріяти тя, и нынѣ не глаголеши?» Та же отвѣща: «не дерзну изрещи, честный отче, одержитъ бо мя неподобная мысль.» Старецъ же рече: «напиши ю волею, да прочту хартію ту предъ Господомъ Богомъ, Прощающимъ по многѣмъ Его милости согрѣшенія наша.» И рече жена: «ни сего могу сотворити, за многая моя студодѣянія.» И рече старецъ: «да аще ни сего можеша сотворити, сие азъ сотворю: елико въ житіи человѣчествѣмъ содѣваются, воспоминаю ти грѣхи, глаголю по единому; — сие сотворила еси или ино другое?» Она же отвѣща: «Божія ради благодати и святыхъ твоихъ молитвъ, ни-

что же, еже глаголеши, сотворила есмь. Но ина суть моя согрѣшенія.» Онъ же рече: «аще суть ина, то азъ нѣсмь сердцеѣдець, ни вѣмъ тайнъ человѣческихъ.» Она же, — «молися о мнѣ», — рекши, отыде. Идущей же ей по улицѣ, видѣ нѣкоего чернца стара, разслабленна, на земли лежаща и отнюдь <sup>1)</sup> небрегома, и рече ему: «хощеши ли, да ты пойму въ домъ мой и препочюю тя добрѣ, яко да о моемъ недостойнствѣ умолиши Бога?» Онъ же рече: «ей, хощу, госпоже, дабы ты сотворила милость на мнѣ окаянномъ.» Она же, вшедши въ домъ свой, уготова постелю, и, пославши, купи ризы чернеческія, и повелѣ рабомъ взявше разслабленнаго мниха, и несше въ баню, измыти и, и облещи и въ новыя ризы, и, принесше, положить его на уготованнѣй ему постелѣ. Сему же бывшу, и тако служаше ему, струны мажущи и врачующи. По времени же великому четвертку приспѣвшу спасенныя страсти; рече жена къ старцу: «вещь хощу сотворити на тебѣ, отче, но потерпи, и не рцы ни что же.» Онъ же рече: «яко же велиши, госпоже моя, да сотворю тако.» И приспѣвцу часу Божественныя службы, Іерею творящу въ церкви въ дому ея Божественную Литургію и яко нача глаголати Евангеліе: *Иисусу бывшу въ Виваніи въ дому Симона Прокаженнаго, приступи къ Нему жена блудница, имущи сткляницу мѣра драмаго...* (Мѣ. 26, 7...), — и сія рекуще Іерею, примши жена та сосудъ мѣра, приступи къ черноризцу и возлія на нозѣ его и обლობызающи слезами омочи, и власы своими отирающи, исповѣда грѣхи своя. И той убо сотворшей тако, бысть трусъ страшень, не во всемъ градѣ, но токмо въ единомъ домѣ ея, и по трусѣ гласъ, глаголющъ: «оставляются грѣси твои!» Тому же Божественному гласу пришедшу, воста черноризецъ весь здравъ, ни коего же имѣя струпа, ни язвы на тѣлѣ своемъ, славящи Господа нашего Іисуса Христа Творящаго страшная и великая чудеса. Блаженная же та жена, примши прощеніе своихъ грѣховъ отъ неизслѣдимаго и неизреченнаго Божія Милосердія, и прочая лѣта живота своего въ покаяніи поживши, преставися къ Богу, образъ оставивши всѣмъ, хотящимъ пріити къ покаянію.

<sup>1)</sup> Совершенно.

## Прилогъ къ бесѣдѣ 24-й.

*Кающагося Богъ готовъ прощати,  
Но на се Его умоляетъ Мати.*

Человѣкъ нѣкій беззаконенъ имѣяше правило повседневное къ Пресвятѣй Богородицѣ молитися, повторяючи частѣ. словеса Ангельскаго цѣлованія: *радуйся, Обрадованная!* Единою убо, хотящу ему ити къ скверному беззаконію, обратися къ образу Пресвятой Богородицы, да первѣе совершитъ обычное къ Ней моленіе и посемъ идетъ на замышленное злое дѣло. Молящу же ся ему по обычаю, нападе страхъ на нь, и быеть во ужасѣ: <sup>1)</sup> видитъ образъ движущся, и се жива Богородица со Сыномъ Своимъ на руку держимымъ зряшеся. Отверзошажеся язвы Младенцу въ рукахъ и ногахъ, и въ боку, и течаше Кровь отъ язвъ потоками, яко же на Крестѣ. Се видя, паде отъ страха и возопи: «о Госпоже! кто се сотвори?» Отвѣща Богородица: «ты и прочіи грѣшницы, иже паки распинаете Сына Моего грѣхами, яко же Іудее». Тогда грѣшникъ, възрыдавъ, рече: «помилуй мя, о Мати Милосердія!» Отвѣща же ему: «Матерь Милосердія Мя нарицаете, скорби же Мя исполняете и горести дѣлы своими.» И рече грѣшникъ: «ни, Владычице, да не преодолѣетъ злоба моя неизреченныя благости и милосердія Твоего: Ты бо еси всѣмъ грѣшникомъ едина Надежда и Прибѣжище. Приклонися убо на милость, Благая Мати! и умоли о мнѣ Сына Твоего и Творца моего!» Тогда Преподобная Мати начатъ молити Сына, глаголющи: «Благодутробне Сыну Мой! Любве ради Моея помилуй сего грѣшника!» Отвѣща же Сынъ: «не прогнѣвайся Мати Моя, яко не послушаю Тя: ибо и Азъ молихъ Отца, да мимоидетъ отъ Мене чаша страстей, и не послуша Мя.» Рече Мати: «помяни, Сыне, сосца, ими же воздохъ Тя, и прости сего!» Отвѣща Сынъ: «и вторицею молихъ Отца о Чашѣ, и не послу-

<sup>1)</sup> Въ подлинникѣ на полѣ объяснено: «въ захвищенію», т. е. въ восхищеніи.



на Мя.» Паки Мати рече: «помяни болѣзни Моя, яже съ Тобою терпѣхъ, егда Ты на Крестѣ тѣломъ, Азъ же подѣ Крестомъ утробю уязвляхся, проходящу оружію Душу Мою!» Отвѣща Сынъ: «и третицею молихся Отцу, да мимо несеть чашу, но не благоволи послушати.» Тогда Мати, воставши, посади Сына, и хоташе Ему къ ногамъ припасти. Возопи же Сынъ: «что хощещи творити, о Мати!» «Пребуду, рече, лежаша у ногу Твоею съ симъ грѣшникомъ, дондеже простиши ему грѣхи!» Тогда Сынъ: «законъ повелѣваетъ, да Сынъ чтитъ Матерь; Правда же хощетъ, да Законодавецъ Самъ будетъ Закона Исполнитель. Азъ—Сынъ Твой, Ты же Мати Моя; Азъ Тя долженъ чтити, послушая Твоего моленія; буди убо, яко же хощещи: нынѣ прощаются ему грѣси Тебе ради! Во знаменіе же прощенія да лобжетъ Моя извы!» Возставъ же грѣшникъ трепеща и радуясь коснулся устами пречистыхъ извъ Его, и бысть въ себѣ. Скончавшися видѣнію, обрѣте сердце свое страха и радости исполнено. И начатъ прилежнѣ плакати и рыдати; припадаючи къ Образу Владычицы, благодараше и моляше, да яко же видѣвъ ужасномъ видѣніи <sup>1)</sup> благодать Господню; грѣхи прощающую, сиче и всегда помилованну ему быти. И оттолѣ исправль житіе свое, поживе Богоугоднѣ.—Смотри, каково прилежаніе есть Ходатаицы нашей о прощеніи согрѣшеній нашихъ! Слава Милосердію Ея, слава неизреченному благоутробію Ея, слава богатству щедротъ Ея, нынѣ и присно и во вѣки вѣкомъ. Аминь.

### Молитва.

Слава Тебѣ, Мати Божія, вѣрныхъ Прибѣжище, Избавленіе въ лю-  
тыхъ содержимымъ, душѣ моей Божественное Утѣшеніе! Всеокаянную  
душу мою Благодатная, уязвленную стрѣляніи ратника, поручаю всесиль-  
ному предстательству Твоему, юже соблюдай и покрывай и спасай отъ  
бѣсовскихъ казней невредиму, да зову Ти: Радуйся, Невѣсто Нене-  
вѣстная!

<sup>1)</sup> Въ восторженномъ состояніи.